



H. XIII. 9

Liber
Novo-Tacim-
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicui seu Ubiquitate.
4. Pro methodo Trinitatis aliq^q materijs Apologia.
5. Quadrigatus expensy seu Consideratio quadriga quæstionum
de Spiritibus sanctis nuncupatus Wittenbergæ editus.
6. Exercitatio de Prudentia Theologica.
7. Exerc. de Obedientia tam Civilis quam Spirituali.

D. O. M. A.

QUADRIGATUS EXPENSUS. *Alu 22*

Sive

Consideratio quadrigæ quæstionum Theologi-
carum de Syncretismo Nonneminis VVitteber-
gæ hoc anno emissæ.

In quâ

Quæstionum status justè conformatur, argu-
menta adducta examinantur, satisnè solida, & ad rem sint,
vera firmantur, falsa confutantur, & Syncretismi negotio
non opus esse ostenditur, dum ad Conciliandum
in quibusdam diversitatibus religionum ju-
stè Logiceq; proficere datum
fuerit.

*Pramissa & alia Philosophica ac Theologica An-
thoris exerrata, in scriptis ejus subinde
occurrentia.*

AUTHORE

HENRICO NICOLAI.

Ph. & Theologo. Prof. emerito.

Setini, Typis GötZianis, impensis Authoris.

Anno Domini, M. DC. LVII.

5

SENATUI
POPULOQ; ELBINGENSI,
Civitatem repræsentanti,

Augustan. Confessionem ejusq; Apologiam professo;
S. Et pacem a DEO pacis per Christum.



uietem vestram, VIRI AMPLISSIMI, acerbo Scripto novus è Saxoniâ Sthenelus hoc anno lacescere sustinuit. Argumenta nec ea adducit, quæ negotio sufficiant; Nec ea in quæstionis statu formando perpetuo fides, quæ requiratur. Perversionum autem ac falsitatum ea congeries, ut ex compacto in illas compromisisse videatur. Hostiliter simul in me invehit, etsi nullo argumento fidem rei conciliârit. Silere ad scriptum, & apertas falsimonias silendo velut agnoscere, nec rei, nec tempori conveniens est. Mihi semel ad pacificandum hastam locanti, abiicere eam, hostivè tradere, indecorum visum. Paucis & in his, & aliis paroramata Authoris potius ostendisse, conveniens iudicatum. Ex ostensis videre habebit, non semper sibi eam lucem fulgere, quam speret. Totum autem negotium vestræ inprimis clientelæ commendare, meritò statutum. Vestrum ac Thorunii statum maximè res concernit. Eum per seculum fermè quietè occupatum, novi turbones subruere molitionibus suis nituntur. Parum cogitantes, Melius esse quietam servare, quàm convellere. Facilius esse turbare, quàm componere. Aliquantò autem satius esse duco, favorabili, quàm invisa rei vacare. DEVS pacis cum Vestro Statu sit, ut quæ pacis sunt, & in Spiritualibus, & civilibus omnes cogitare ac promovere in Christo studeamus. Valere, AMPLISSIMI VIRI, & quod à Nobis officii est, in bonum, quod exempli aut documenti, in rem Vestram usumq; Civitatis salutarem accipitore. Gedani. 13. Calendas Augusti. Anno 1657.

A. A. & D. D. V. V.

Deditisimus

Henricus Nicolai.
Pr. em.

LECTORI CHRISTIANO
& THEOLOGO
S. & Pacem Christi.

NUllum singularem hostem,
LECTOR erudite, hactenus legi, Cum
quo luctarer. Solenne id sectis nostro secu-
lo, & Polemica omnium, *Papistarum, Lutheranorum,*
Reformatorum, Photinistarum, & Fanaticorum proli-
xam fidem conciliabunt. Fodicata illis magis in-
genia, quàm erudita. Mihi naturâ & assuerudi-
ne aversum tale scribendi genus fuit. Obstinatum ad variorum calu-
mnias & perversiones, quib. scripta mea arrosa, per annos 27. quos
in *Pruside* exegi, silentium docere queat. Durare etiam in proposito
animus fuit, totumq; id genus aut spernere, aut superare. Facere tamen
contrà vltima quandoq; *necessitas, casus, ipsa veritatis tuende ratio*, pro quâ
ad mortem certare *Siracides* jubet C. 4. v. 33. Et insulforum importunitas
jubet : & contrà aggredi, ac nominatim occurrere cogimur. Pacem tan-
tisper habere licet, dum vicino visum, Germanus adagio celebrare so-
let. Nec ad omne genus calumniæ semper tacendum, Christo, Prophe-
tis, Apostolis, præeuntibus edocemur. Deseri DEI veritas videtur,
aut malè sanorum ausis prodi. In Causâ hæresios Neminem patien-
tem esse voluit *Hieronymus*. Innocentia ad tuendum Nobis à DEO da-
ta, non deferendum. Calumniæ enim nihil nefas est, & quicquid lubet,
audet. Ac de me sanè modò experior. Pacem cum omnibus, quantum
licuit, habere constitutum. Ad pacifica etiam religionum negotia,
qua-

quarum funestissima sunt disidia, quantum per veritatem datum, pro-
movere destinatum, eoq; scripta quædam collocata. *Prodesse omnia,*
obesse nemini propositum fuit. Sed pacis jura ab alijs experiri non semper concessum.
Incursum in Scripta mea varijs dictionibus & perversiõibus. Bona pars
in *Iren. defenso* & continuato hinc inde exhibita. Nondum finem lassato
tenere licet. Strenuum in eo negotio ab annis aliquot se Calovius exhi-
buit. Nomine olim mihi Collega, reipsa hostis & persecutor Collega-
rum, quorum auctoritatem subruere, suam statuere molitus est. Ante
hæc modò *Apologiã Germanicã, modò prolegomenis Theologicis Wittebergæ*
editis, de nomine in me invecus est. Id pacis gratiã dissimulatum
mihi & prætervectum. Nunc hoc ipso anno virulentus Stentor pro-
currit, & *quadrigam questionum de Syncretismo Nonneminis* vulgavit. Per
alterius latus me fodicando, simili armorum genere, quo solet, perver-
tendo, non intelligendo, semiplenè aliena adducendo, Calumni-
ando, in hostem fertur. Pro Calovio jure Calumnium diceres,
ut Abrahami parum habeat, præter nomen. Pleraq; quæ movet, jam
aute in scriptis meis, *Irenico defenso, de Conciliando, Non liquendo, Medio re-*
ligioso, protrita. Quæ desiderantur, edi debent, cum ad id occasio.
Quæ his terris in procurando non ita prompta, ac Germaniæ. Multa
deserere aut protelare cogimur, quæ ibi facili negotio vulgare datur.
Non datis medijs negant dari mediata, & quæ inde sequi debent. Hic tamen ad
resolutionem quadrigæ istius manû ad moveri fas censui, ut quid mo-
menti ferat, in aprico statuatur. Præmissi alia, in quibus aut ipse *Au-*
thor flaccescit, aut Argivã Calumniã in mea & aliorum invehitur. Le-
ge, LECTOR, pensa, judica, & necessitatem defensionis non iniquè
accipito. Superfedere his laboribus mallem, quàm defungi. Utilio-
ribus me occupare possem. Non tamen in æternum falsis obtentibus
Orbi mea traduci ferre teneor, DEVS veritatis tecum sit, ut ad verita-
tem & pacem universa turbulentis his temporibus constituas. Gedani.
14. Calend. Augusti, Anno 1657.


QVA-

¶(o)¶
QVADRIGATUS
EXPENSUS.

S. Consideratio quadrigæ quæstionum
de Syncretismo hoc anno VVit-
teberg. emisæ.

Premissis & alijs Authoris aberratis,

I.

 Hod apud Veterem Scriptorem, Plautū dicitur, *Alteri de nibi-
lo audaciter dicunt contumeliam, qui ipsi sat habent, quod in se ue-
rè possit dici, Cure. a. 4. f. 1.* Sycophantarū ingeniū optimē
repræsentat. Quo ipsi digni, alios plerūq; incesunt. Pervertere,
calūniari, aliena objicere, solenne ipsis, in alijs communiter que-
rulari solent. Nec à malefactis rabioso hoc seculo intacta inno-
centia, Nec à Calumniâ secura Veritas. Obuiandum est, ut cau-
sa, tempus, mores, occasio, requisierint. Deferere verum, Cum possis
tueri, in DEUM ipsum, primam Veri Causam ac ideam, injuri-
um. *Disimulare*, Cum promere debeas, indecorum. *Pro men-
dacio* traduci, aut in speciem ejus infucare, à Christiano alienum.
Præstare jam in *Causâ adversus injustum Impetorem* cogor, qui
quod in ipso ejusq; scriptis jure animadvertatur, satis habens, in
aliorum tamen dicta aut scripta invehere paratius habet. *Ante
septennium* horribilib. perversionibus, calumnijs, detorsionibus,
in scripta mea involavit, quæ *Iren. def. p. 3.* protriui. Subinde &
Apologia Germanicâ & prolegomenis Theol. Wittebergæ editis nomi-
natim me silentem & pacis gratiâ dissimulantē incesijt. Deniq;
quadrigam quæstionum Theol. de Syncretismo Nonneminis hoc an-
no Wittebergâ extrusit, in quâ & me meaq; luridè lacesivit, rusti-
cisq; convitijs adortus est, nihil autem probavit. Non amplius
insolentes latratus ferendos censeo. Ostendendum literato Orbi,

A.

nec

nec mea esse, quæ oppugnantur, sed aliena multa pro meis stolidè induci, Nec tali modo solidè expugnari unquam posse, & nudè asserenti, nihil probanti, credi non debere. Multa horum in Irenico defenso *p. 3. & 4. & Tr. d. Conciliando, alibi* jam præstita, Unde pleraq; sumi queant. Hic tamen quædam repetenda, & in primis quadrigæ istius insulitates detegendæ. Simul & *qualia in cæteris scriptis Author commiserit*, paucis Cum DEO, expendendum. Ne sibi Suffenus videatur, & cum alios corrigere teneat, à seipso, quòd corrigat, primùm auspicetur.

2. In *Metaphysicis* falsissimo principio utitur. Quæ intellectus hominis ratione, ea DEUS realiter separare potest, *p. 1. Met. gen. C. 8. t. 6.* Cujus falsitatem jam ante 16. annos *Tr. d. es. alic. f. 1. t. 18.* detexi. Sic enim homo attributa entis ab ente, & DEI à DEO per rationem separat, quæ nunquam DEUS realiter ab illis, Ut pluribus *c. 1.* deductum. In potentia alicujus esse negat modum realem esse, & carentiam veri ac positiui esse ait, *Ibid. C. 4. t. 4.* Quà ratione nos non verè & realiter in Adamo omnium nostrum Patre fuimus, & consequenter nec verè & realiter in eo peccavimus, sicq; peccatum originis in totum negatur, & *Pelagianis* Veteribus & recentibus, *Anabaptistis*, *Photinistis*, similibusq; acceditur. Terram in orbem volui ingens absurdum & Scripturæ adversum habet, in *Meth. Log. p. 345.* Et alibi, Ego reverà volui, nec quidquam è Scripturà lententiæ verè adversari *Tr. d. terra revol.* multis ostendi. *Alia* alijs temporibus reservari queant.

3. In *Theologicis* varia sunt, quæ notam mereantur. In *Instit. Theol. p. 1.* Theologiam in rudiores & accuratorem dividit, eamq; divis. non purè nominalem, sed realem dicit, *C. 1. p. 14.* Quæ reverà insulla, Naturæ Theol. adversa, & planè accidentalis ei est. *Natura definiti adversa*, nam habitus ea est per eundem, *p. 4. s.* Habitus a. disciplinæ omnis perfectio & accuratio est, ac perfectionem animo humano inferere debet, non rudiores cognitionem, Nec habitus inchoatio aut rudior delineatio aliqua est,

ut alienè quidam, ut *Reskerm*, *Alstedius*, *Goclenius*, *Risshel*, habitum dividunt, ubi habitus inchoatus reverà *ἡ ἀρχὴ τοῦ λόγου* est, dispositio propriè inchoata est, Cui habitus ut opposita species & perfectio contraponitur, qui firma qualitas potentiam ad operandum perficiens esse debet, Nisi vocibus abuti velimus, ut in *Log. & Metaphys. & d. Not. nat. C. 2. t. 7. seq.* dixi, *Prorsus etiam accidentale Theologia est*, rudem & incompletam esse. Naturâ sui completa & exactissima esse debet. Insulsus erit, qui *Philosophiam*, *Medicinam*, *Jurisprudentiam*, *Physicam*, *Logicam*, in rudiorem & accuratorem divideret, quæ in seipsis accuratissimæ esse debent, Nec ab ullo accurato scriptore ejusmodi Th. divisiones propositæ, quicquid de *Alstedij* & similium *Rapsodistarum* divis. sit, ut cum Th: in *Catecheticam*, *Didacticam*, *Polemicam*, *Acroamaticam*, *Propheticam*, *Casisticam*, &c. dividunt, quæ omnia ex accidentariis tantû respectibus sumpta, quæ ad Naturam disciplinæ nihil facient. Unde *Cal.* ipse rudiorem delineationem disciplinæ prorsus accidentalem esse fatetur, quæ adæquata Objecti sui coram mente representatio esse debet. in *Meth. Log. p. 118. seq.* *Ex modo proponendi Theol.* quandoq; sic vocatur, Ut cum rudiore aut accuratiori modo proponitur, qui totus accidentarius illi. Ex Naturâ sui accurata, completa, justa, exacta, omnis disciplina esse tenetur. Nec *Catechesis* propriè ipse Theol. habitus est, sed rudimentum tantum ejus, & brevis quarundam ejus materiarum delineatio: Nec quisquam propriè loquendo Catechetam Theologum dicit, qui fieri demum vel evadere talis debet, ubi plenû Theol. habitum consecutus fuerit, Nondum, quamdiu Catecheta est, talis est aut esse potest. Perinde ac nullus Philosophari incipiens propriè *Philosophus* appellatur, sed talis demum evadere debet, Cum perfectus fuerit. *Theologia*, *Philosophia*, *Medicina*, &c. nomina perfectionum sunt, non rudimentorum, ubi accuratè loqui velimus.

4. *Symbolum Apostol.* negat p. 36. p. 1. *Inst. & quad. qu. d. Sym.*

A 2

cretisf.

erat q. 1. ab ipsis Apostolis profectum esse. Sed magno Patrum numero contradicente, Ut *L. 1. d. fid. Chr. C. 4.* ostendam. *Gerhardus* pios Veteres magno consensu illud ab Apostolis collectum esse docere ait *C. 1. p. 2. barm. resurr. & T. 8. L. C. d. resurrect. t. 7).* Ipse *Calou.* contra Photinistas depugnans magno molimine Apostolorum esse ex *Patribus* contendit, omnibusq; cordatis venerandæ antiquitatis monumenta potiora, quàm novellorum *Photinianor.* omnium temeraria negantia hic esse aserit, *parascu. c. Crell. p. 219.* Hic contra *Calixtum* furens, ut ipsi ægrè faciat, secum ipso depugnat, & eorum esse inficiatur. Mihi potior Patrum, quàm hesterni Sycophantæ autoritas est. In *Symbolo Nicæno* nec de Sp. S. processione, nec de Ecclesiâ, nec remissione peccatorum aut baptismo, nec resurrectione mortuorum aut futuro seculo, nec sessione Chr. ad dextram DEI disertam mentionem factam ait, *p. 1. C. 4. p. 227.* Inficiatâ prorsus crassâ, & quæ expressis Symboli verbis revincitur. *Art. 2.* Chr. sedere ad dextram Patr. expressè dicit, & regni ejus non fore finem addit, ac *art. 3.* Sp. S. de Patre filioq; procedere ait, & unam Catholicam & Apostolicam Ecclesiam, unumq; baptisma in remissionem peccatorum se credere, & expectare resurrectionem mortuorum ac vitam venturi seculi apertissimè profitetur. Omnes Controversias adducere aut tractare non debuit. De *Symbolo Athanasij* falsissimè multa *p. 38. ex Baronio,* Scriptore fabulosissimo, delirat, quòd Romæ illud conscripserit, diu in Archivo Rom. latuerit, donec in lucem productum à Romanâ, Constantin. alijsq; Ecclesijs magno consensu receptum sit. Quæ pleraq; falsissima esse *Tr. d. symb. Athan.* ostendi, & ex ipsis *Lutheranis* quidam falsò illi adscribi fatentur, ut *Camerarius in Catech. Græc. Et Pelargus* tùm adhuc *Lutheranus*, in *schol. fid. d. Symb. Athan. p. 297.* Ut alibi deducetur.

5. *Divisionem Scripture in legem & Evangelium* negat adxquatam esse, quod quæ DEI Naturam ac essentiam concernunt, ad neutrum propriè spectent, & ab utroq; supponantur, *p. 79. Inst.*

Con-

Contra omnes Theologos, qui eam adhibent, & *Apol. Aug. Conf.* Quæ universam Scriptur. sic distribui debere asserit, *art. 4. d. Justif. p. 12.* Et *ipse* sibi parum constans *p. 80.* materiam Scri. legem & Evangelium esse fatetur, Et *p. 123.* Scri. in legem & Evan. dividi asserit, indeq; utriusq; vim & efficaciam divinam deducit. Sed nec eo sensu sic dividitur, quasi omne in eâ propositum vel legale sit, vel Evangelicum, sic enim multæ historiæ neutrum præcise concernunt, Ut Simsonis Philistæos maxillâ asini cædentis, *Jud. 15.* Sed quod *potissima dogmata* vel legis vel Evangelij sint, vel ad utrumq; pertineant, ut de DEO, ejus esse & attributis, & similia, Sententiam de summo DEO Patre novam vocat, *L. 1. c. Crell. t. I.* Aperta incitiâ, Cum quoad rem ipsam satis manifestè ap. *Ignatium ep. ad Tarf. Justin. dial. cum Tryph. Et Tertullianum* habeatur, Ut *Meth. d. Trin. t. 19. 20.* dixi.

6. *P. 229. 230. Insl. Nicenum Concil.* & alia in primis ob dogmata fidei tum ab hæreticis negata statuenda & hæreses impugnandas, reprobandas, nō phrasas aut loquendi modos statuendos, coacta dicit, Unde & *Nicens Patres* ὁμοῦσιον in tractatu fidei posuerint. At *Nicenum* propter quæstionem de Paschate potissimum convenisse *Epiphanius, Constantinus M. ap. Eusebium, & Athanasius* tradunt, ac *Papista* fatentur, qui eos allegare solent, Ut *Bellarmin. l. 2. d. Sac. C. 31. Etsi l. 1. d. Concl. C. 5.* & alteram de Chri divinitate addat. Et modos loquendi Concil. istud simul de filio DEI suppedirare voluisse aperta loquendi ratio, quâ de eo utitur, ostendit, DEUM de DEO, lumen de lumine, DEUM verum de DEO vero, ὁμοῦσιον & consubstantialem Patri vocat, quæ loquendi formas esse Nemo sanus negaverit. *P. 200. Ad fidem exquisitam promissionum gratiæ notitiam requiri docet.* At quomodo in infantibus baptisatis, pueris, rudibus, idiotis, ea, quibus fides à Christo tribuitur, & ab omnibus Lutheranis tribui solet? Unde in illis exquisita notitia?

7. *Reformatorum error de Prædestinatione si hæresis est,*

Utp. 49. 50. 243. 251. censet, hæreticus erit *Augustinus*, qui eam fovit, constanter contra Pelagianos defendit, & hypotheses ad eam ducentes tenuit in *l. d. prad. & grat. d. grat. & lib. arbit. De prad. sanctor. D. corrept. & grat. D. bono perseverantia, hypognost. &* alibi, etsi ante certamina Pelagiana aliter fortè sentire potuerit, Post ea tamen verè in eà sententiā permanfit, & à quo haulerunt *Calvinus*, & qui eum sequuntur. Quanquam nunquam omnium Reformatorum dogma id fuit, Ut de *Concl. t. 22* dixi, *P. 242. seq. de hæretici definitione* valdè ampliter Philosophatur. Non facile omnes *Lutheranos* adstipulantes habebit. Quosdam longe aliter de hæretico censentes *p. 3. Iren. def. t. 28.* adduxi. Plures, ut *Reinbothus, Meisnerus, Meyfartus*, alijq. si opus, addi possunt Ex 3. primis seculis nullum secum ita decidentem reperiet. *Augustino* res difficilima visa, etsi integros hæreticos. Catalogos texuerit. *P. 268.* magna stoliditas est, quòd *Calixto* opprobrat, quòd vocem mereri *Tertulliano, Cypriano, & cæteris Ecclesiast. & exordicis* scriptoribus quandoq; pro consequi vel adipisci accipi dixerit, Cum omnes *Lutherani* in materiā de merito operum & testimonijs Patrum pro illis contra Papiſtas respondere soleant, ipsos mereri generaliter pro consequi accipere. *V. Hutter. L. C. d. bon. op. q. 3. p. 488. b. Meisnerum l. 2. Ph. Job. f. 1. C. 1. q. 33. Et C. 4. q. 3. Balduin. d. mer. op. t. 4. Hulsman. harm. Jac. cum Paul. t. 36. Hunnium Consult. t. 506. Apol. A. Conf. a. 20. Broekmand. L. d. bon. op. C. 2. 4. 9. Gerhard. T. 4. d. bon. op. t. 124. Echard. in Pandectis, Et plerofq. alios.* Solus Calumniosus reprehendere conatur, quod ab omnibus *Lutheranis* ut legitimum probatur & adhibetur. Credo, Si *Calixt.* bis : 8. esse scripserit, *Calov.* negaturū, quia *Calix.* sic scripserit. Olim *Calixtus Calovio* Theologus eruditissimus audiit, *meth. Log. p. 157.* Hodie mutata sunt tempora, & vix umbram ferat.

8. *P. 255. 256. Calixti* mens pervertitur, quasi dogma de quidditate peccati orig. inter Scholasticaia reterat, non articulos fidei. At non de qualicunq; descriptione, sed quidditate

scho.

Scholasticè apprehensâ & constitutâ, quam rudiores non capient, & tricus ac formalibus & materialibus Scholasticorum is loquitur, quæ à fide secerni queant, Ut, an formaliter illud peccatum mera privatio sit, an positivi quid includat, quodnam materiale ejus, & quatenus in eo spectandum, an in animæ substantiâ, an facultatibus propriè subiectetur, Per quid in hominem traducatur, an per animam, an per Corpus, an per utrumq; & quis modus traducendi sit, quomodo anima ut Spiritus traduci possit, Qualia certum est, idiotarum captum in multis superare: Non quantum Scriptura de eo habeat, quasi id non curandum aut eruendum sit. Similiter de proprietatibus & relationibus divinis ejus mens pervertitur p. 252. Ubi anxias Scholasticorum subtilitates ipse intelligit, quas qui ignorat, Valentiam, Suarez, Tannerum, Becanum, Martinum in Theologiis Scholasticis, Joh. de Radâ in Controvers. Theol. & similes adeat, & quid disceptent, deprehender: Non quid de rei fundamento, quantum simplicitati fidei satis est, Scriptura revelârit, quod paucis punctis absolui poterit. P. 265. iterum Calix. verba calumniose accipiuntur. Res haud maximi momenti cum Papistis disceptandas non de remiss. peccator. Justificatione, & æternæ vitæ obtinendæ modo intelligit, Sed quæ aliàs fidei Christianæ superiecit, & velut ad eam pertinentia credi postulavit Papismus, ut traditiones nescio quas & quotuplices, mendaces Legendas, Indulgentias, Missas, Sacrificia pro mortuis, invocationes Sanctorum, peregrinationes ad loca Sanctorum, rosaria, Speciales confessiones, humanas & susceptas satisfactiones, aquam lustralem, ficta jejunia & stata eorum tempora, ac similia, quibus plenus Papismus, & quæ *τύβαλα* ac humana commenta in fide sunt, & à principio ad fidem non pertinuerunt, nec ad eam pertinere ostendi possunt. In quibus nugis ferendam levitatem ac stultitiam Papæ & suorum asseruit Lutherus asf. 36. d. lib. arb. Ut Calov p. 266. ipse adducit. Reliqua, quæ in Instit. illis notam mereantur, alijs temporibus reservari possint.

9. *Veniam ad ea, quæ me ac mea Scripta concernunt, quæ valde alienè ac variè infectatus est, pervertendo, aliena affingendo, calumniando, & virulenter detorquendo. Specimina sat multa jam p. 3. Iren. def. dedi. Jam alia quædam adducam. In Apol. Germ. p. 29. & 56. mendaciter de me scribit, quòd similia principijs Calixtini adduxerim, ad ea provocârim, per ea in Syncretismum devenerim. Hæc omnibus suis partibus publica mendacia sunt. Non ex Calixto, sed ex ipsâ rerum Naturâ, & naturali æquitate, proprijs ac diuturnis inquisitionibus, meditationibus, observationibus, antiquissimis Patribus, & Lutheranis Theologis plerisq; ac principiis, quæ ipsi suppeditant & in scriptis proponunt, mea deduco, inprimis Mentzer, qui ad varia hic cogitanda in scriptis suis meditando occasionem suggessit. Ut cum subinde fidem ad piscatoriam illam simplicitatem revocat, terminos Scholasticos potius remondoscenset, aliqua piè ignorari debere moneat, ad Scripturæ phrasès multa revocat, Ubiquitatem & similia præcindre, & ad dicta Scripturæ deducere monet, Ut p. 3. Iren. def. 1. 7. & p. 4. jam adduxi, et partim in Meth. Trin. t. 19. seq. 45 seq. Iren. def. De Conciliando, De non liquendo, & alijs, patere potest, Partim L. 1. d. fid. Christ. c. 3 ostendam, adductis ipsis Patrum & Theologorum sententijs. Nec Calixtus, sed prisca Patres & Theologi Lutherani cum alijs, ipsaq; natural ratio & æquitas ad talia principia me deduxerunt, Quibus si similia habet Calixtus, ego ferre cogor, ut similia ex similibus fundamentis deducantur, Cum ipsi æquè Patres scripti, ac mihi, legiq; ab utroq; possint, & ex æquo in theatrum Orbis missi sim. Non præcisè ab eo hausisse dici debeor. Possunt duo ex ipsdem fundamentis similia aliqua deducere, advertere, ut Neuter ab alio hauserit, aut cum eo quidquam communicârit. Nec à Calixto præcisè emendicare teneor, qui alia principia aliosq; authores etiam habeo, Nec unquam, quod sciam, ad eum provocavi, sed inter alios & illum allegavi, quod licitum esse credo*

credo. Qualia ego principia habeo, *Irenicum, Tract. d. Concilian-*
do, aliaq; deduxerunt, & amplius *Libri de fide Christianâ* expedient.

10. *Syncretismi* Nomen nunquam in Scriptis meis usurpa-
vi, nec eum intendi, eoq; nec per *Calixt.* ad eum deductus sum:
sed antiquam fidem Christianam, ejus Veritatem, puritatem, &
simplicitatem reductam volui & optavi, adq; illud laboravi, quod
expresſe ex *Irenico ejusq; defens. p. 3. t. 26. Et 4. t. 5. seq.* pater. In eo
ego sistendum cenſui. Quòd illud *Syncretismi aut Samaritanismi*
nomine diffamatur, in DEUM ipsum & Christum ejus, fidei
istius primum authorem, atrox injuria est, quam in talibus em-
pectis DEUS suo tempore ulciscetur. Jam olim ad ea respondi
d. Concil. t. 20. In uno a. puncto, ut de Symbolo Apostolico, cum a-
liquo sentire, nondum *Calixtinum* facit. Veruſtissimi enim *Pa-*
tres ad illud provocant, quos Calixtinos vocare hominis Insani
est. Nec *Solius Calixti* ea hypothesis est, sed in antiquissimis *Pa-*
tribus Græcis & Latinis quâ rem ipsam jam reperitur, quos ex par-
te ipse *Calovius parasc. c. Crell. p. 239.* allegavit, Ut *t. 4. visum, A*
plerisq; etiam Papiſtis, Lutheranis, Reformatis, recepta est, qui epi-
tomen credendorum ferè fatentur, quos magno numero in *l. j.*
d. fid. Ch. C. 4. adducam, & *C. 5.* universa obſtantia resolvam. *Lu-*
therus omnes fidei articulos illud compendio quodam complecti
fateretur *praf. in 3. Symb. T. 7. Lat. p. 338. b. Conf. t. 16.* Si tot authores
ex Patribus & ipsis Lutheranis sequor, Nemo Calixtinum ex eo
me jure proclamabit.

11. *Similiter* falsissimè de me scribit, quòd omnia in unam
religionem conglobari velim, mendacium falsumq; cum vero
compingi intendam, in *excerpt. num 59. seq. Et quadr. q. t. 4.* Quod
nunquam mihi somnium, tantum antiquam relig. Christia-
nam reductam, & in simplicitate Apostolicâ restitutam ac serva-
tam volui, ut *t. 10.* monitum, quod longè aliud. Nec falsum ut ta-
le manens, sed ut correctum, immutatum, moderatius proposi-
tum cum vero conciliandum cenſui, *D. Concil. t. 13. 18. Item quòd*

Trinitatem rem quæstionis esse dixerim. Nunquam id in scriptis meis reperitur. Trinitas apertè in Symbolo A. expressa, quorsum credenda me referre aliàs dicit, *t. 16. 17.* Eoq; de fide est. Sed *qua de eâ & vocibus in illâ*, essentiâ, naturâ, personâ, ejus formalibus, discrimine, conceptu, de notionibus, processionibus & oppositionibus in Trin. disquirunt Scholastici, & in Theolog. disceptantur, multa Scholasticam notitiam requirunt, non omnia æquè ad fidem pertinere possunt, ut apertè in *Iren. t. 5. & Meth. d. Trin.* dictum. Quod multum diversum est, ut alibi jam monitum. Falsò etiam *Atheismus* ihi imponitur, *quadr. q. 1. 2. 4.* Blasphemè is ex antiquâ fide Apostolicâ reductâ sequi dicatur, Nam *oppositum* inde sequi debeat, sincera pietas & solida agnitio ac cultus, & ex æternis rixis Theologicis finem non habentibus is faciliùs educi tandem queat, ut homines de omnibus dubitare, tandemq; nihil credere incipiant, quod ipse Atheismus, ut *d. Concil. t. 43 seq.* monitum. *V. t. 25.* Et id mendaciter mihi tribuitur, quod ex *Arminianis* mea hauserim, parum ab ipsis absum, ut in *prolegom. Theol. Witteberga* editis mihi tribuit. Dogmata ipsorum in varijs refutavi, Nullum, quod ipsis proprium sit, recipio, aut unquam recepi, perpetuò oppugnavi. Ex *Patribus & Lutheranis* mea habeo, *t. 9.* Quos legi, priusquam ullum *Armin.* Scriptum vidi, etsi ipsos quandoq; allegem. Nec à scientiâ ita extorris sum, ut ipsorum adjumento egeam. Si illi observent, quod & ego, Orbis ipsis mecum communis est, in theatrum istud ex æquo omnes missi, *t. 9.* Si aliquid obseruent, quod ad rem, Cur non recipiatur? *Ubiq; aliquid Veritatis est, adverti recipi, meretur*, Ut DEI aliquis radius ab homine animadversus, secus facturus proditor & desertor ejus est, Ut alibi dixi. *Idem de M. Ant. de Dominis* habeto, quem subinde citat, & è quo nihil me habere profiteor. Vix vidi aut inspexi eum. Si aliqua ad Verum habet. recipi meretur, ut cœtera vera. Ex *dogmaticis a. Arminianorum* pleraq; refutavi, Ut de tempore in æternitate, DEI immutabilitate, *Dec. I.*

Mise.

Misc. De Infinitate S. 2. d. esse alie. De Notitijs Natural. in Tract. d. illis, Et *epist.* Th. passim, In quibus adhuc perduro. Quod *Calov.* c. l. adducit, nempe in Symbol. Ap. omnes baptisari, commune omnium Christianorum principium est, & quotidiana praxis ap. Ecclesias verum esse testatur: Apud nullum *Arminianum* unquam id reperi.

12. Mendaciter etiam *Calixtinus* ab eo proclamor *quad. gn. q. 1.* Quod quædam cum eo communia habeam, Cum in multis ab ejus hypothesibus dissentiam. Ut 1. Quod ille in Communionem Spir. *Lutheranos, Papistas, ac Reformatos* etiam stantibus & retentis erroneis sententijs recipere velit, Ut *Calov. p. 1. Inst. p. 207. 277. 459. 465. 467. 472. seq.* tradit, Ego non nisi correctis & immutatis, & ad Conciliandum tantum laborare jubeo, eoq; media supposito. Ut in fundamentalibus consentiatur, De in communionem recipiendo nihil habeo, & multa hic ob stare posse dixi, etiamsi in omnibus sententijs consentiatur, Ut p. 3. 4. *Ir. def. & d. Concil. 1. 13. 18.* monui. 2. Quod ille multa in fide necessaria neget, ut De justificationis modo, Trinitatis in V. T. cognitione, essentiali Messie deitate in eodem, &c. Ut t. 13. patebit. Ego dogma Trinitatis & justificationis in Symbolo haberi dico, Credo remissionem pecc. quæ est ipsa justificatio, eoq; ipsam fidei Substantiam concernere puto. 3. Quod ille Cæli hæredes habeat, qui Symb. Ap. agnoscant, etsi in cæteris in multis errent, *Calov. p. 207. 476. seq.* Ego non id assero, sed si alia negent & præfractæ in eo pergât, vix salvos futuros ajo, Ut p. 3. 4. *Ir. def. dixi. Co. t. 18.*

13. 4. Quod ille varias peculiare sententias habeat, quas ego nunquam recepi, in multis oppositum tenui, quandoq; prorsus abstraxi. Ut de *Canonicis* libris Solo prisce Ecclesiæ testimonio & interventu decidendum, *Calov. p. 131. 187.* Alio dogmatur Theologicorum præter Scripturam principio, traditione Ecclesiasticâ, p. 208. 478. Trinitate in V. T. non satis revelatâ, eoq; idiotis tum non cognitâ, nec illis ad credendum obligatis, p. 160.

§2. De nomine Jebovæ etiam angelis Creatis DEI personam
 uſtinentibus in V. T. tributo, *c. l. Meſſiâ* deo futuro ſub V. T. e-
 tiam non cognito, *p. 213.* Filio DEI nunquam in V. T. in propria
 perſonâ apparente aut exhibito, quod *Calixtus d. Trin. t. 21. ſeq.*
Et append. t. 23. ſeq. tuetur, Logo toto in Chriſto non minus ex-
 tra carnem, quàm in eâ exiſtente, *Calov. p. 303. Inſt.* De libero ar-
 bitrio in Converſione non renati aliquatenùs gratiæ cooperan-
 te, *p. 439.* Juſtitiâ originali dono ſupernaturali in primo homi-
 ne exiſtente, *p. 461.* Dubitatione de ſalute non adeò periculoſo
 dogmate, ſed opinandi libertati quondam relicto, *p. 462.* Cauſa-
 rum juſtificandi & ſaluandi diverſitate, *p. 463.* Articulo juſtifica-
 tionis non fundamentali exiſtente, *p. 264. ſeq. 465. 485.* *Si id ſen-
 ſit Calixtus.* Falfò enim illi adſcribi *Behmius in verantwort. C.*
4. tradit, DEO Cauſâ peccati per accidens ſtatuto, Cujus contra-
rium ego Tr. d. cau. p. ac. defendi, Bona opera ad ſalutem neceſſa-
ria vocando, p. 309. ſeq. 463. Cujus oppoſitum etiam in *Irenico &*
def. ac Miſc. Theol. p. 1. tenui, Quanquam Calix. nunquam eâ
phraſi ſe uſum, nec uſurum eſſe proteſtatur, Ut ibid. t. 3. adduxi,
Et Latermannum ſimiliter de eâ proteſtari in declar. Apol. & alibi
videam, ut p. 310. 331. ipſe adducis, Chriſtum ut Creaturam legi,
& ut hominem morti obnoxium faciendo, p. 308. Quod vix cum
tota ejus obedientiâ vitæ & mortis, activa & paſſivâ, pro Nobis
præſtitâ, quam Luth. c. Piſcatorem & paucos alios Ref: propugnâr,
conſiſtere poterit, & Cujus oppoſitum ego apertè profiteor, epis.
Th. L. I. C. 11. Articulum fidei ut & hæreticum, definiendo & de-
terminando, V. t. 14. Quæq; alia ejus ſunt, quorum ego nunquâ
aſſenſum tenui, oppoſita in varijs ſcriptis defendi, Miſcellaneis, Fe-
ſtalib. De notis. nat. Epit. Theol. Miſc. Theolog. De Cauſ. p. accid. De
Contradiç. & Oppoſit. alibiq;. Ut nonniſi per calumniam Calixti-
 nus proclamer.

14. §. Quòd ille, quid articulus fidei ſit, præciſè determi-
 net & deſcribat, *p. 209. 234.* Ego tantùm ſolidè inquirendum &
 con-

constituendum dixi, ut omnibus de eo constare possit, Ut ex *Irenic. & def. ejus* p. 3. & 4. patet. Item quid hæreticus sit, determinet, p. 242. Ego nondum, sed inquirendum censeo, inprimis etiam vetustioris Ecclesiæ, seculorum assensum super eo consulendū duco, *Ir. def. p. 3. t. 28. 6. Quod ille generalia quædam media ad Conciliandum proponat, ut Symbolum Apost. Consensum s. primorum seculorum, Cæterorum Controversorum extenuationem, & velut à fide exclusionem, p. 208. seq. Ego longè specialiora produco, & Conciliandi regulas Logicas, Noologicas, Metaphysicas, Theologicas, morales, distinctè eruo & repræsentō, Ut & in hoc religionum negotio adhibeantur, Ut t. 20. patebit, Ut ad conciliandum commodiùs procedatur, prout varia hætenùs edita docere possunt, aliaq; nondum edita, Ut de *Calumniâ Theologicâ, Collatione religionum, Corruptione fidei*, similiaq; monstrare poterunt. Quæ si negaveris, quæ ab omnibus Christianis recipi par sit, prima velut principia negabis, & ad *Atheismum* paulatim declinabis, ampliusq; audiendus non eris. Reliqua a. quæ in Theol. quæri solent, non statim extenuo, sed momentosa esse, ac utiliter disceptari posse concedo, locos Theologicos facere, & ad majorem etiam fidei notitiam, certoq; sensu ad fidem ipsam pertinere posse censeo, etsi quid & quantum ad illam absolutam & necessariam fidei substantiam pertineat, nondum satis decisum esse existimem, Quo de p. 3. & 4. *Ir. def.* monitum, & *lib. d. fid. Christ.* pluribus monebitur. *Meyfartus* Evangelicas Ecclesias in Germaniâ noxias, sed ferè non necessarias contentiones inter se habere dicit, *l. 4. d. Acad. reform. C. 13.* Neganda autem esse, aut negari posse simpliciter renuo, Cum nulla DEI veritas, etiam in Physicis, moralibus, Medicis, negenda sit, multò minùs in Theologicis. De quo a. 4. actum.*

15. 7. Quod ille Syncretismus cum reliquis sectis, *Papistis & Reform.* ineundū censeat, urgeat, promoveat, *Calov. p. 207. seq. p. 236. seq.* Ego de eo non cogitavi, nec Syncretismi vocem ullo

scripto adhibui, an iniri ille debeat, an minùs, *t. 10.* Tantùm media Conciliandi Logica aliq; proposui, quibus nonnulla in Theologicis ut concilientur, salvâ veritate & fide, laborari queat, Ut Scripta docent, *t. 12. 14.* Ubi conciliatio aliqua successe-rit, *an sum Syncretismus aliquis* cum cæteris religionibus ineundus, an non, de eo nihil ego memini aut constitui. Obstacula esse possint, quæ non ineundum moneant, etsi in sententijs consensus sit, *t. 12. 8.* Quid ille in Theol. morali ferè ad legalem salvandi modû defleat, quasi lex Naturæ cum positivâ lege Chri plurimum exigente post Christum exhibitum salutem adferat, *p. 305. 306. seq.* De quo ego nunquam cogitavi, Oppositum insinuaui *Ep. Theol. p. 1. C. 15.* Et legem fidei ac operum, Spiritus & peccati, passim in Sacris contraponi videam, *Rom. 3. 4. 5. 8. & passim.* In tot tantisq; si à Calixto divertam, non nisi à mendacibus Sardis Calixtinus proclamari possum.

Responsio ad quadrigam questionum, & qu. 1.

16. Nunc ad insignem quadrigam qu. Theologicar. d. Syncretismo Nonnemini, ut titulus habet, veniendum, & quid in eâ Author præstiterit, videndum. Directè contra me, ut video, edita non est, sed alium. Per alterius tamen latus me pungi video, ad me provocare illum, meisq; principiis uti dicitur, multaq; convitiolè in me projiciuntur. Itaq; respondendum Authori ut Sycophantæ & Convitiatori est, ut videre incipiat, non statim aurum esse, quod vano fulgore oculos perstringat. *Quæst. one 1. de Symbolo Apostolico agit. Negat ab ipsis Apostolis profectum esse.* In quo Secum ipse depugnat, qui id olim contra Socinistas asseruit, & Gerhardum contrarium habet, ut *t. 4.* dictum, ac plurimos Lutheranos contradicentes habet, Ut *L. 1. d. fide Christi.* ostendam. *Negat omnes articulos fidei eo contineri.* In quo Lutherum contrarium habet, *t. 10.* Et *Seipsum;* qui illud pro fundamento ac normâ decidendi in Oecumenicis Concilijs habitum esse asserit, in *disser.*

Rosbach

Roßsch. c. Crell. p. 220. At normam decidendi in fide plenam esse oportet. Et hac ipsa qu. 1. t. 3. Ubi etiam abundare quosdam articulos in eo dicit. Si abundant, E. necessarios maximè continere oportebit. Non enim de brevi Symbolo contrarium præsumi potest. Multi etiam Patres ac Lutherani contrarium docent, Ut dicitur lib. ostendam C. 4. Patres sæpiùs regulam fidei illud vocant, *Irenæus, Tertullianus, Ambrosius, Augustinus. V. Gerhardum T. 1. L. C. d. interpret. Script. t. 76.* Regulam a. adæquatam regulae suo esse oportet, secus non solida est. *Cyrillus Catech. 5.* In paucis versibus universam fidei doctrinam comprehendimus, ait de Symb. Apost. Quam Vos volo verbatim memoriæ mandare, quod approbat *Hanmannus de Symb. Ap. C. 3 t. 3. Franzius* fundamentum doctrinæ religionis iudicat perhibendum Symbol. nostrum Apostolic. *Vind. t. Smal. d. pers Chri. t. 97.* Cum his transigere poterit. Omnes Lutherani præcipuos articulos eo contineri asserunt, Ut c. l. deducam. *Meisnerus* fundamentales eo comprehendit docet, *dis. d. part. fid. t. 101.* Quod Nobis satis est, qui tales eo contineri censemus, non omnes, prout amplè titulus art. fidei sumi solet. *V. t. 17. Plures* alibi apponam.

17. Negat sufficienter Orthodoxum ab heterodoxo eo discerni. Si inter duxios & seductos, ut *Luth.* loquitur, simplices & doctiores ac propugnatores, simplicitas & dogmatistas, errantes & erroneos distingueres, aliquid diceres. Cum omnia indistinctè converras, nihil solidi præstas. Verè Symbolum istud est Symbolon, j. e. nota & tessera Ecclesiæ veræ & Orthodoxæ, quâ ab omnibus sectis & heterodoxis discernenda, ait *Forsterus præf. disp. Catech. d. Symb.* Si sic, quidni & Orthodoxum ab hæretico, verè ac falsò credentem discriminet, si iusto sensu Scripturæ teneatur, Quod ego semper requisivi, & in *Irenico* apertè posui, Etiam si tandem non omnes Controversias inde decidere queamus, quorsum etiam non datum est. Sed tu perpetuò hic articulum fidei *latè & strictè ac strictissime dictum* commisceas, art. fidei & locum Theologicum, veri-

veritatem, notitiam & dogma Theol. confundis, quæ longè diversa. Quis accuratè art. fidei sit, nondum inter ipsos Lutheranos satis constitutum est, ut *Meisnerus* *disf. d. attr. fid. t. 61. Et d. part. fid. t. 101. Et in Theol. Phot. C. 4.* non diffitetur, & operosam disput. requirere dicit, quod jam *t. 14.* notavi. *Leidenfes* in discernendo necessaria puncta à non necessarijs ingentem laborem positum agnoscunt, Ut *Arminiani p. 11 apol.* adducunt. Similiter quis propriè hæreticus sit, nondum satis constitutum, *t. 7.* Si hæc duo plenè, justè, solideq; constituta forent, ut ab omnibus reciperentur, ingens variorum Controversorum compendium, magnaq; partium moderatio in varijs occupari posset. Diversis illis manentibus controvertendi moles superesse cogitur, & dum alter alteri hæreticus est, in odia ac persecutiones immaniter declinatur. Ideò solidè de eo quærèdum & constituendū in *Iren. & defen. monui. Tertium ob statū Prussia* *hujus* addendum, Quis & qualis hic Reformatr præcisè sit, an ut in Helvetiâ & similibus, an longè alius? De hoc *t. 26.* videbitur. *Tu &* articulum fidei, & hæreticum nimis extendere alijs videris. *Alij* nimis contrahere videntur. Nullus ita asserere, ut omnium in Christianismo certantium assensum accipiat. Utru pauciq; tecum id constituent, reclamante reliquâ Ecclesiâ, vanum est. Totam Ecclesiam concernit, à totâ aut maximâ ejus parte decidendum erit. Ego decidere illud nunquam animum induxi. Decidi tamen utile fore monui, & expectavi. Sed non à te & similibus, sed Spiritualibus Viris, ut *Augustinus* vocat.

18. Jam *tota qu. tua 1. tractatio* duabus maximis confusionibus procedit. Nec artic. fidei, nec hæreticum plenè definiisti, tantum Orthodoxum & hæreticum crepas. Si Orthodoxum dicas, qui placita Lutherisini de plano accipiat, ut tota tractatio docet, & cætera vitiosissimum monstrum sit, habeto tuum Orthod. Sat multieorum in Orbe. Ego infernalem furiam æstimabo. Si alium, & quem ac qualem, ac quantum tandem, distinctè & plenè

expe.

expediendum fuit. Voces crepare non sufficit! *Acuratis pleniq;
definitionibus* iuste negotium constituendum est, ubi variè vacilla-
bis. *Deinde* nunquam inter duxios & seductos, Doctores & secu-
tores, t. 17, distinguis, quod tamen necessario faciendum. *An
de utrisq;*, an de alterutro *questionem intellectam velis, an aliter, & de
quo tandem, & quousq;*? Non omnis hæretico consentiens statim
hæreticus est, & tales maximam partem in Ecclesiâ erroneâ in-
terdum sunt, seducti nempe, ut in *Papatu, Mennistis*, qui ex sim-
plicitate & ignorantia errant. *Potest* Symbolum simplicibus ad
secernendum fidelem ab infideli sufficere, Ut *Cathechumenor-
um* in Vet. Ecclesiâ exempla docent: *Possit* & Doctoribus in
præcipuis sufficere: *Possit* neutri parti certo casu satis esse, prout
quæsitæ, de quibus quærat, fuerint. Ut, an anima hom. per tra-
cem, an creationem, an aliter oriatur, an immortalis sit, & de
angelis quæ infinita quærentur, de quibus in *Michael: aliq;*, V. t. 8.
Hæc quia non distinguis, sed confuse omnia converris, Quomodo
tractatio solida erit, non distinctè necessarijs terminis expensis,
unde lumen tractationi inferendum? Ipse discrimen t. 19. agno-
scere cogeris, Sed in tractatione totâ pessimè omittis. De hæretici
definitione *Lutheranos* omnes consentientes non habebis, t. 7.
De artic. fidei etiam non, t. 17. *Alij* alia vident & tenent. Quæstio,
Cujus tu occasionem rapis, *tota de infirmis & simplicibus est*, an illi,
Cum Symbolum in simplice suo sensu, remotis aut ignoratis etiam
sectarum disensionibus & Controversijs, recipiunt, pro Chri-
stianis agnoscendi? Et de Ecclesiâ, de quâ quæstio orta, ita res est,
ut maxima ejus pars simplicibus constet. *Tu varios hæreticos &
erronea docentes, seminantes, & propugnantes* producis, quos Chri-
stianos haberi negas, de quibus Nemo nostrum unquam somni-
avit, Nec Ille, quem pungis. Si aliter tibi relatum, prout menda-
cibus relationibus te circumductum ex toto Scripto video, fal-
laciisimè tibi impositum est, & cum larvis ac lemurib9 depugnas,
V. t. 30. *Totas a, Ecclesias* errantes aut simplices idiotas seductos

damnare ne *Lutherani* quidem solent, sed DEO eos committere. Secus omnes nostros proavos sub Papatu damnare oporteat, quod nemo audet, *t. 25. Perpetuò inter seductores & seductos* distinguitur, & puriora horum corda, quàm illorum ora fuisse asseritur. *Si de doctoribus* accipias, sic capiendum erit: Qui Symbolum recipit, sed in vero suo sensu, & non aliquid simul docet, quod directè aut proximâ Consequentia ei adversatur, is Orthodoxus habendus. Sic Minor de *Papismo, Socin. Anabap.* accepta falsa erit, *t. 19.* Quæ pessimè hic prætermittuntur. Multi etiam ob pravam praxin ab fidelium numero refecandi, etiam si in Symbolo & sententijs ac theoriâ omnes consentiant. *V. Rom. 6. 8. 1. Cor. 5. 6. Gal. 3. 6. 2. Tesf. 3. Et alibi.*

19. Ita confusè omnibus congestis ad *Papistas, Calv. Anabapt. Photinist,* alios transis, & Symbolum omnes profiteri ais. *Si simplices* Christianos intelligas, aliquid fortè dicas. *Si doctores & dogmatistas,* vix concedi debeat, si verum Symboli sensum attendas, quicquid illi crepent. Solum Symbolum profitentes, si cætera validis erroribus teneantur, & præfractè persistant ac propugnent, aut atheè vivant, veros Christianos esse, aut salvos fore, aut ab hæresi absolui debere, nunquam ego asserui, sed contrarium, ut ex *Iren. def.* patet. *V. t. 12.* Nec ille, credo, quem pungis, sed falsis relationibus niteris. *Et sensum Verborum Symboli* etiâ tenendum alibi in *Iren. & defens.* jam monui, etsi simplicibus in simplicitate consulendum esse certum sit. *Papismus varias idolatrias invehit,* quod contra Credo in Symbolo est, Trinitatis dogma per Scholasticas concertationes corrumpit, quod *Dorscheus* demonstrat, Mariam Christo in Passione adjungit, Christianismum in theoriâ & praxi corrumpit, Ecclesiæ naturam in multis pervertit, & Communionem Sanctorum ad vana ac inania detorquet, ut purgatorium, Missas pro defunctis, aliaq; , ut *anat. Papiismi* dicam, sicq; non satis Symbolo consentit. *Photinismus* Trinitatem & filij deitatem negat, satis in Symbolo fundatam,

Cum

Cum pariter in eum, ac Patrem, credi dicatur, Christum carnem & sanguinem post ascensionem habere negat, & sic reditum ad iudicium evertit, & Carnis resurrectionem negat. Quæ apertè contra Symbolum. *Anabaptismus* conceptionem Christi quæ carnem in & ex Mariâ negat, in reipsâ & deitatem & humanitatem evertit, & Carnis resurrectionem negat. Quæ omnia Symbolo contraria. *Veteres heretici omnes punctum* aliquod Symboli everterunt. *Manichei* duos Deos finxerunt, *Marcionita* Christum verè natum, passum, mortuum, & resuscitatum negârunt, *Carpocrates* merum hominem & ex conjunctione maris & fœminæ natum dixit, Corpus Christi cœlo receptum, & carnis futuram resurrectionem negavit, Similiter omne peccatum negavit, & opinione tantum constare dixit, *Nestorius* Christum duplicavit, *Eutyches* Deum & hominem confudit, sicquæ utrumquæ sustulit; quæ omnia contra Symbolum sunt. De his duobus *Lutherum* tuum adi, qui eos excusat, injuriam illis factam censet, & hostes eorum penè Orco addicit, *L. d. Concil. Alii* alia somniârunt, omnia contra Symbolum, ut plurib. *d. fid. Christ. c. 5. docebo.*

20. Cum his, *ut manent, non mutant aut corrigunt, aut moderant,* communionem spirituales inire velle Nemo Nostrum unquam cogitavit. Mendacissimè *t. 11.* mihi id imponitur. Contrarium in scriptis meis reperies, Ut *t. 11. 12.* jam monui. Qui de eo, quem pungis, narravit, impudenter tibi imposit. *De simplicibus sermo est,* non seductoribus, ubi de Symboli professione agitur, *t. 38.* *Photinistas* me ab hæresi & errore fundamentalis absolvere, & in communionem admissos velle, commentum tuum 6. jugera longum, non meum assertum est. Nunquam id scripsi aut cogitavi. Contrarium *t. 19.* habes. *Errata corrigere, mutare, moderari,* & cum ipsis laborandum dixi, & sic ad conciliandum aliquid promovendum. De in Communionem recipiendo, & ab hæresi absolviendo altum silentium. *Ad primam fidem omnia revocare, errantes in verum sensum reducere, à falso abducere, ambiguitates vocum*

detergere, ex mitioribus rigidiores moderare, duriores relinquere, infirmos suscipere & informare, non cum seductoribus & pertinacibus confundere aut pariter tractare, sed non liquere quandoque arripere, à calumniando, detorquendo, & semiplene explicando abstinere, ex propius ad verum accedentibus, quales ex *Papists & Reformatis Lutherani* semper allegant, ut *Gerhardus, Meisnerus, Echardus, Hummelius*, alij, reliquos ad idem faciendum inducere, in omnibus Christianè procedere, similiaque *Irenicum, defensio ejus per 4. partes, & Tr. d. Concil.* voluit, & hoc scopus fuit, an per talia media ad conciliandum ad aliquid in religionum diversitate procedi possit? Tu, velut nihil horum omnium extet, Nos in communionem omnes recipere velle fabularis. De quo gravissima tibi ponenda erit Deo ratio. Huc & pertinent, quæ t. 5. congeris. Nos ab hæresi tales hæreticos absolovere nunquam intendimus. Cum larvis in totâ hac qz. 1. decertas. Si *Calixtus* eò fortè inclinaret, Nos ab eo divertere jam t. 12. 15. professi sumus. Defensores suos tamen & is inveniet. Mirarer impudentiam tuam, nisi de ingenio tuo aliunde constaret, t. 30. Ab hæresi eos absolovere necessum esse, si sola Symboli professio sufficiat, utraqve parte falsum est. Nec necesse id, Nam Symboli puncta quædam negant Socinistæ, t. 39. Nec talis professio, qualem tu fingis, pro doctoribus & seductoribus sufficit, utcunqve simplicibus sufficiat, quæ tu omnia tumultuariè confundis, t. 18. *Papista & Anabaptista* Communionem nostram non expetunt, Segreges suos cœtus Elbingæ habent. De illis recipiendis nil cogitare opus. Soli *Reformati* quidam sunt, qui jungi cupiunt, & ab annis 90. hic & Thorunii juncti fuerunt, & relinqui petunt. De quibus t. 26. videbitur.

21. Dictum *Esa. 5. t. 5.* adductum Nos non stringit, quod bonum malum, & contra non dicimus, sed figmentum tuum est, & d. *Concil. t. 8.* Satis solutum est. 2. *Joh. v. 10. 11.* Quid & q. 3. t. 3. reducis, si de ave externo accipies, quid de Christo cum Phariseis & scribis edente ac bibente facias, hæreticis sanè, blasphemis, proditoribus tandem & Crucifixoribus ejus, maturè dispicias?

spicias? De salutatione non civili, sed fraternâ *Hannius, Muthesius, aliq.* rectè explicant. Qvam Nos veris hæreticis non assignamus. Et seductores extraneos ad nos venientes intelligit, qvales non seducti & rudes idiotæ, qviam nobis juncti, unumqve Reipublicæ corpus qvâ *Reformatos & Papistas* faciunt Gedani, Elbingæ, Thorunii, &c. Cœtera dicta Nos etiam non stringunt, qv id nunqvam asservimus. *Qvæ t. 15. de Samaritanis, Pseudoapostolis, Eudoxianis, Rhetorianis, Lampettianis,* declamas, omnia è dictis in fumos abeunt, à Nobis prorsus aliena sunt. Erroribus correctis & mutatis Nos conciliari volumus, non retentis, *t. 1. 12.* Quemvis in suâ religione saluari posse nunqvam Nobis in mentem venit, sed *Puccianum* delirium est. Solam veram Christianam fidem saluare jam in *Irenico & defens.* ejus asserui. Qv non credit filio, non videbit vitam, *Job. 3. & 4. Act. 4.* Et passim. De *Cassandro Moguntino* opponis, & *Lutheranos* tuos relinquis. Hi Virum validè laudant, & Cæsares ejus consiliis usos ajunt. *V. Gerhardum T. 8. d. mort. 1. 433. Et proem. Conf. Cath. c. 3. Himmelius* Papistarum doctissimum, prudentissimum, moderatissimum vocat, *d. 1. Antihell. 1. 28.* Parum refert, qv id de eo aut *Calixto Moguntino* ut hostes, censeant. *Testimonium hostis semper suspectum.* Si te turbonem validumqve hæreticum proclamant, credo, parum ad animû demittes. Et cum sæpiùs pro Evangelicis contra Papistas eum adducamus contra illos magnificamus ac defendimus, & tu temerè cum *Papistis* eum denigratum cupis. Jugulû purioris doctrinæ peti, ut *t. 17.* putas, commentum tuum est. Veritatem ubiqve relinqvimus & intendimus. *Qvæ* fundamentalis illa & necessaria sit, sine qvâ salus non datur, & qvâ ignoratâ excutitur, inquirimus, *t. 14.* Scripta mea commenta exitiosissima esse, ut *t. 11.* ais, paris cum prioribus veritatis est. *Salubria esse* scio, & moderandis immodicis rixis apprimè facientia. Qv od hoc rabioso seculo in primis necessarium.

22. *Qvæ* ex *Papistis* adfers, *Papistis* relinqvantur. *Contra-*
ria ex moderatioribus adduci possunt, & *Calixtus* vind. c. Mo-

guntin, p. 1. adduxit, Ego *libris 2. fid. Christi*. adducam, ut *1. 10.* dixi. Quæ ex Svecis, *1. 9.* illis inquantur Solidas rationes adduxisse satius fuisset. Quæ in juventute censuisse dicis, *1. 19.* non novi, nec curo. Prout nec, quæ jam censēs, postquā totū te in fermento esse video. Satis, si simplicitas illa fidei ex sensu *Scriptura in simplicitate suā proposito pro clar.* sive tu de eo abstracto conceptu assequaris, s. minus, ob id Nemo velum vorterit. Ipsos *Apostolos, Evangelistas, & primos Patres* adito, & vide, an ad piscatoriam simplicitatem ejusque sensum te deducere valituri sint? De eo, bona opera sunt necessaria ad salutem, Vos contenditis. Spiritus S. non ita loquitur, sed *sine lan-*
ctimonîa Nemo videbit dominum, ait *Heb. 12.* Discrimen vides, & priscam simplicitatem advertere debeas. Jam in Jrenico olim apertè id monui. Sed surdis fabulas. Sic apud *primos Patres* de terminis unionis personalis & ejus formali, Communionis Naturarum & idiomatum in Christo ac similibus nihil aut parum invenies, Simplicius enim fidem tenuerunt: Quæ apud *Damascenum* & similes jam usitata. Aliud fides, aliud perplexitas Scholastica est, ut *Lutherus, Mentzerus, Meyfartus, Meldenus, aliiq. du-*
dum professi sunt, & c. l. c. 3. 5. deducam.

23. Quæ de *Syncretistis, Syncreticis collusionibus similibusq.* promiss, tibi habeto. Quos pungis, & voces, & res respuunt, *1. 10. 35. Primam illam solidamqve fidem* reductam volunt, in eaqve acquiescunt, nullam damnatam hæresin admittunt aut absoluunt, ut censēs, *1. 20.* Si ob id *Novatores* sumus, tu *Veterator* perman eas. Scriba doctus de penu suâ *Vetera & Nova* proferre didicit, *Matth. 13. v. 12.* Quæ de officiis doctorum, scandalis, periculis, gloriâ Dei & Verbi ejus, *1. 7. 8. 9.* adfers, omnia extra Rhodum & circum exerrant. Fiunt ea in his Ecclesiis, *1. 25. 28.* Modò ne etiam infirmis ex in-
tempestivo Zelo obtaculum pereundi ponatur, *Rom. 14. v. 15.* seq. Quorum magna pars semper in Ecclesiâ, & quos credendi simplicitas tutissimos facit, Vt *Augustin. c. 4. c. ep. fundam* loquitur, ac magis à rectâ fide dimoveantur, quam eò manuducantur Hoc omninò cavendum. De *Exprofessore Gedanensi & Elbingensi*, ut me
vocas,

vocas, vanè tripudias. Ab utroqve loco conditio mihi esse potest dum pax reducta fuerit. Ab illo Tu per rabidas calumnias tuas, ac hoc furiosi *Papista* per sævitiem discedere ad tempus me coegerunt. Ultorem DEUM hi jam proximo à discessu meo anno fenserunt, sede qve suâ pulsi sunt. Tu manus ejus non effugies. Mihi utroqve in loco, ubi voluerim, degere licet. Ac dum pungere me videris, extollis. *Exconsul, Exprator, Exprafectus*, honoris ac dignitatis nomina Romanis fuerunt. Si nosti, insultè pungis. Si ignoras, discendum relinquitur.

Responsio ad quæst. 2.

24. Hæc de nominibus *Schismaticis Lutheranorum, Calvinist. Papistar. Anabaptistarum* agit. Ego omnia fero, & ipse in Scriptis usurpo. Ille, qvem injustè pungis, idem facit, & in concionibus adhibet. Unum Nos omnes in Christo esse exoptarem, *Gal. 3. v. 28.* Et DEI vivi templa esse, *1. Cor. 3. v. 16. 2. Cor. 6. v. 16.* Sed quia per obstacula esse non licet, & diversi ac dissecti esse, & diversis nominibus insigniri cogimur. *Ab initio tamen non fuit sic.* Religio Christiana à principio sui unica fuit, & Christiana dicta. Qui professi eam, Christiani nuncupati, *Act. 11. v. 26. c. 26. v. 28.* Non aliter. Si ita in puro vigore permansisset, nullâ aliâ appellatione opus fuisset. Post *sectas accepit sub unâ fide*, ut Paulinus, Petrinus, Christianus alius diceretur, quod Paulus damnat, *1. Cor. 1.* Et Nos cum eo. Postea etiam à *varis erroribus sub diversa fide* nomina data sunt, à quibus adhærentes ea acceperunt, postquam religionem ipsam immutârunt & corruerunt. Hinc *Ebionæ, Manichæ, Marcionite, Carpocratiani, Ariani, Nestoriani, &c. dicti.* Utrumqve hoc per accidens & vitio hominum fuit, non naturâ religionis. Ad ultimum etiam à *Restauratoribus* puritatis ejus nomina traxit, & à *Waldensibus*, quorum Lutherus honorificè meminit, *Waldensis, Lugdunensis, ab Huso Husitica, Luthero deniq. Lutherana* dicta. Et hoc per accidens. Si pura mansisset, restauratore opus non habuisset. De quo plura *p. 3. Iren. def. 1. 3). seq. dixi.* Hic vocem

vocem *sectæ* Veteres adhibuerunt, & adhiberi quandoque opus fuit, quæ significato sui generalis est, ad verum ac fallum indifferens, magnis Authoribus ante & post Christum natum usurpata, & Naturâ sui tali sensu usurpari potest. Et hic *Actor. 26. & 28. Tertullianum, Basilium, Augustinum, Symmachum, Galenum, alios allegavi, Iren. def. p. 3. t. 1.* Non ad *Calepinum* aut *Dasipodium* te remisi, ut tu nugaris: Et licet fecissem, in usu vocis Latinæ fieri par est, nec forum declinare debeas. Imò ad te ipsum te ablegabo in *Method. Log. p. 475.* In disputatoriis exercitiis inter ejusdem *sectæ* homines institutis Præses munere quoque Doctoris fungatur, inquis. Ac in hoc usu vocis persistimus, Cum *sectas* in Christianismo dicimus. Ubi falsæ & veræ interurrere possunt. Et sic *Lutherismus* *secta* dictus ab eo, quem pungis, & à me, quem vanè oppugnas. *Hülsemannum* etiam & *Hunnum* obieci, ubi taces. Ut *Hunnius* de *Lutherana Ecclesiâ*, sic ego de fide: Non quia fides *Lutherana*, ideò vera, sed quia *Christiana*. Nec contrà quia non *Lutherana* ideò falsa. Totam suam veritatem è Christianismo habet, Ut *c. l.* dictum. Et quia *peculiaris Deum profitendi modus est*, segregatus ab omnibus aliis esse cupit, validè id propugnat, in priscâ simplicitate ut sufficiente sistere maximâ Scriptorum parte renuit, infinita Scholasticaalia simul involuit & disceptat, in infinitum disceptata extendit, quorum ne millesima pars Christianorum gnara aut capax, nec modum in eo, nec finem curat, pertinaciter in eo perseverat, secùs sentientes aut moderantes tepidos, *Neutralistas, Samaritanos, hypocritas, & quos non*, proclamat, ita fieri publicè vult & laudat, meritò ad discrimen istud exprimendum *sectæ* nomine comprehenditur. Pluribus hæc *p. 3. & 4. c. l.* deducta. Per hæc ad omnia, quæ hac qv. profers, responderi potest. Nec quisquam canegavit, quæ profers, sed cum commentis tuis digladiaris, & relationibus, quibus nimium tribuisse videris. Qvod si *Is*, quem pungis, de *sectis minuendis potius, quàm augendis*, & ad veritatem Veteris fidei potius, quàm ad variarum *sectarum diffusionem* in

Christi-

Christianismo laborandum intellexit, ut mihi ferè probabile fit, verè dixit, & tu mentem ejus alienè detorques, qvæ absolute nomina illa, qvæ scissione manente retineri opus est, reprobavisset. *Contentiones non sunt amplianda, sed restringenda, & quantum fieri potest, sine jacturâ fidei amputanda, ait Rostius C. 1. d. Christ. Arntii.*

25. Parili loco Calvinistas Doctores, Papistas, Mennistas, cum Orthodoxis, & bella Domini cum vanis contentionibus & rixis Nos habere, ad Atheismum inclinare aut inducere, officium redarguendi Nos tollere, mera commenta & mendacia sunt. Ipsa *praxis Ecclesie Elbingensis* in scriptis & suggestu contrariū demonstrabit. Publicè errores notantur, refutantur, auditores informantur, erronea caveri jubentur, nominatis etiam sectis ac authoribus erroneis, ad justum sensum Symboli Apost. deducuntur, t. 28. Et similiter. Sectario nomine & *Lutherismum* comprehendere ipse occasionem ministrat & invitat, t. 24. Discriminis gratiâ dissentientes suis nominibus appellari ferimus, & ipsi facimus, *Reformatos, Papistas, Photinistas, Mennonistas*, dicentes, & qvæ t. 2. 3. 4. 5. 7. 8. habes, universa concedimus. Stipularum nomine I. Cor. 3. doctrinas etiam vanas & inutiles, opiniones singulares & erroneas, incerta ac infirma dogmata intelligi, qvalia multa in Papatu, Commentatores ferè concedunt, *Hurnius, Mutheſius, Cluverus, Pareus, Bellarminus, Rostius pref. c. 1. Junius anim. in pref. Bell. d. Concil. n. 18. alii.* Illas, qvæ per indirectum fundamentum labe facient, non prorsus tollant, simul involui nihil absurdi habet, & de proavis nostris sub Papatu morientibus applicare solemus, quos non damnamus, *Conf. t. 18. Qvæ t. 6. de Deo causâ peccati, universali Dei gratiâ, & absoluto decreto inferis, nunquam omnium Reform. dogmata fuerunt, sed distinctè hic procedendum fuisset, Ut Tr. d. Caus. p. acc. t. 50. Et d. Concil. t. 22. dictum. De presentia in Cænâ & orali manducatione benè explicandum est, ne erronea cogitata, locales adſistentiæ & extensiones, aut Phy-*

ficæ absumptiones mentes auditorum cointrent, sanamqve sententiam pervertant, *t. 29.* Quæ *t. 9. 10.* de separatione addis, vocis sectæ usui nil adimunt. *Sive Lutherus* causâ separationis à Rom. Ecclesiâ sit, *sive* ab eâ pulsus sit, ut ex eius testimonio, quod citas, patet, *Lutherismus* secta ex classico priscoqve usu vocis dici potest, *t. 24.* Principio *Lutherus* non separari, sed abusus in Rom. Ecclesiâ corrigi voluit. Postea & ipse iure se separare, ac è Babilone exire potuit, *Esaï. 52. v. 11. 2. Cor. 6. v. 17. Apoc. 18. v. 4.*

Respon. ad. qv. 3.

26. *Hac de Reformatis ad Cœnæ usum cum Lutheranis admittendis* quærit. Hic statum quæstionis planè *imperfectè* posuisti. Inter Reformatos quosdam crassiores, alios subtiliores, moderatiores & rigidiores, Supralapsarios & sublapsarios, Remonstrantes & Contraremonstr. Gomaristas & Arminianos esse nosti. Certè novisse debes. Jam quales *Elbingæ* sint, qui nobiscum communicant & admittuntur, non satis novisti, ut ex omnibus, quæ indistinctè tradis, video, & à relationibus, ut ante dixi, tibi impositum esse sentio. *Tertium* membrum in eo est, quod in toto hoc negotio summoperè necessarium esse *t. 17.* dixi. Ex illis, quæ subjungam tota res evidentior futura est. *Sic statum quæstionis* formare debuisti, si justè ac ad rem nostram, ut *Elbingæ* ac *Thorunii* est, stringere volueris. *An Reformati moderatiores, & ferè in omnibus Lutheranis accedentes, in eocoetu, Ecclesiâ, & statu, ubi ab annis ferè 100. jam junctim & pacificè vixerunt, in unam Ecclesiam coaluerunt, ad Communionem utrinqve admissi sunt, Unum Corpus Reipubl. fecerunt, Augustanam Confessionem & Apologiam utrinqve receperunt, ad eam provocant, etiam articulum 10. Invariata recipere parati sunt, sub privilegio ejus Regio, non distincto, Variata, an invariata, ab annis 95. egerunt, Ceremonias Lutheranorum universas suscipiunt, de Lutherrismo non malè sentiunt, in eo liberos suos in Collegio publicè informari sinunt & jubent, Calvinus, Beza, & similium dogmata de*
Prædesti

Prædestinatione & aliis non propugnant, sed publicè pro suggestu notari & refutari ferunt, &c. *ad Cœnam cum Lutheranis admitti possint?* In hoc propriè cardo quæstionis est, non *Reformatis in genere*, ut Tu posuisti, *sed talibus & talibus Reform. in specie?* Si huc argumenta tua, quæ congeris, reducantur, omnia à januâ aberrare deprehendentur. — *Utr. 31.* patebit.

27. Ut hæc meliùs intelligantur, *Cum ingens quæstionis momentum in eo situm sit*, sequentia tenenda. 1. Non in Elbingæ solum statum, quæ hic per *qv. 2* tractantur, vergunt, sed & *Thoruni*, quod similitudine ab annis 90. jam usum, hodiernum in eo persistit, & quietè degit, *Lutherismum* omninò recipit, & Reformatos suos tamen ad Communionem simul ab annis 80. admittit. Quodcunqve *Calov.* hic causabitur, utrumque statum attinget. Utramque urbem forè seditiolus scriptor convulsam velit, si ejus destinata procedant. Præmia ipsi ut omnium turbatori destinabunt, qui ad turbandum natus esse videtur, *1. 10. 2.* Aliud est, *denovo admittere aliud*, jam ab annis 80 & ultra admissum ferre, retinere, & per vim remove non posse, ac apertis motibus aut seditionibus rem gerere non velle, quod nemo pius Christianus facere debet. *Hoc Posterus* agunt *Ministri Elbingenses & Thorunenses*, quorum eadem in hoc est ratio, non prius. Et si *prius* etiam agerent, talibus *Reformatis*, quales ante descripti, Nemo in tali loco fieri miraretur.

28. 3. *Nullus Reformatus Elbinga dogmata Calvini, Beze, de absoluto deceto unquam defendit aut propugnavit*, Nec in Prusfiâ scriptor extitit, qui id fecerit, Nec *Calov.* ullum nominare poterit, qui egerit, ut in Germaniâ, Helvetiâ, Belgio, quidem factum. Omnes abstrahere se à talibus profitentur. *Nec Synodus Dordracena* ab ullo publicè hic aut Thorunij est recepta, Nec Ecclesiæ *Reformatæ Polonica, Lithuanica, Prussica, Anhaltina*, ad eam vocatæ fuerunt, ut pro generali Synodo recipi apud omnes debeat. Cum aliquando disputatio de eâ materiâ Senatui Elbingensi ex

qvadam Reform. Academiâ dicata fuit, pessimè id Senatum habuit, sibi talia prorsus improbari indicavit, & factum noluit. Prout & ab aliis Reformatis dogma id non suscipitur, Ut 1. 7. monui. *Nec dogma de nudo signo*, tesserâ, & Symbolo Corporis Christi in Cœnâ, Corpore ipso absente & in Cœlo manente, ab ullo defenditur, publicè pro suggestu reprobatur & refellitur, etiam *Calvino sociisq.* interdum nominatis. Nec dogma de inefficiaciâ baptismi, nisi in solis electis, de particulari voluntate DEI in salvandis hominibus, & particulari passione Christi pro solis electis quisquam recipit aut tuetur, Nec DEUM Causam peccati quisquam dicit, Omnes se improbare, & contraria sentire dicunt, errores tales publicè pro suggestu notantur & refelluntur, nominatis in specie *Calvino, Bezâ, Zanchio*, & similibus, ut ipse non semel à *M. Vordio, Holstio, & Philippo, b. m. & Dn Feyerabendio aliisq.* audiui, Ego in *Epir. Theolog.* Elbingæ editâ publicè passim reprobavi, Nemo *Reformat.* dissensum testatus est, Omnes ferunt & accipiunt, Ut ipsorum ingens cum quibusdam in Germaniâ diversitas sit, ut si aliis usus Cœnæ cum *Lutheranis* negetur, & his eum negari debere, inde statim conficere quis non debeat.

29. *De ipso etiam Lutherismo* non malè sentiunt, faciliè eum admittunt ac ferunt, si justè repræsentetur, ad eum induci possunt, Nostrâ Cœnâ se bona Conscientiâ uti posse, & Majores suos usos fuisse censent, Verbi ministris Lutheranis passim benefaciunt, omni favore prosequuntur, liberos suos in Collegio publicè in *Catechismo Lutheri* informari jubent & cupiunt, eum explicari ac proponi volunt, multaqve alia ferunt & instituunt, quæ Lutherismo servando fovendoqve facere possint, Moderationem tantum & Circumspectionem requirunt, quam & alios postulare scimus, *Noribergenses, Reutlingenses*, aliosqve, quos Lutheranos agnoscimus. 4. *Qui rigidiores* inter Reformatos Elbingæ sunt, alibi in viciniâ, aut cum Hollandicâ Ecclesiâ, ubi cœtum hic habuit, Cœnâ utuntur, non apud Nos, Et nostrum panem non satis verum

verum ac competentem, sententiam de Cœnâ erroneam, Cere-
monias non satis Christianæ simplicitati conformes, sed Papismi
aliquid subolentes censent. Qui apud Nos utuntur, omnes ali-
ter animati, meliùs de pane, sententiâ, & ceremoniis nostris cen-
sent, & Lutherismo propiùs accedunt. A Cœnâ repulsi fortè
prorsus ab eo averti, inq̃ue odia ejus exardescere q̃veant, magno
Ecclesiæ nostræ cum incommodo, & Ministrorum Verbi damno,
q̃vi beneficiis illorum excidant, à q̃vibus tamen necessaria pe-
tenda veniant. De orali manducatione Corporis Christi pauci
hæreant. Solidè explicatâ, ne Physicæ aut Capernaiticæ co-
mestiones mentem cointrent, s. 25. Nec ab eâ averſi erunt, sed
eam recipient. Ut de eorum ad Cœnam admissione minus
scrupuli superesse debeat. Infirum in fide non ad dijudicatione-
nes disceptationum recipere jubet Apostolus, *Rom. 14. v. 1.* Hoc
cum talibus agendum erit, Ut tu ipse s. 2. distinguere cogeris,
& ex Facultate Theologicâ ostendis. *Et jam rigidiores Lutherani*
proprium templum Elbingæ nacti sunt, quod Papistis à Succis
ademptum, illis attributum est, Ubi separatim, suâ Cœnâ uti licet.
Patiantur cæteros antiquis legibus & moribus vivere, & pro more
Cœnâ suâ cum aliis uti, ac antiquâ possessione non derubent.

30. Hoc moderatè facillè terent. Tu tuiq̃ue similes frende-
re & fremere pergent, ac supera inferis commista velint. Totius
hujus status ignorans esse videris, & acerbis tamen scriptis laceſ-
sere quietem aliorum non vereris. Utinam & abscindantur, q̃vi
Vos conturbant, ait Paulus, *Gal. 5. v. 12.* Portabit judicium suum,
q̃vicunq̃ue est ille, v. 10. Id tibi dictum metue. Mendacibus alio-
rum relationibus nimium credis, ad eorum narrata statim com-
moveri te finis, ad arma, calamos, chartas, proruus, ne explora-
tâ quidem aut salutatâ alterâ parte, etsi olim intimè tibi familiari,
alienis, ad quæ vocatus non es, te ingeris, & quieta commovere
non vereris. Naturâ factus, usuq̃ue exercitus ad pervertendum
& turbandum omnia videris. Quorsum venis, turbare soles.

Regiomontum, Gedanum, Witteberga, id qveruntur. *Gedanense* Gymnasium virulenter turbasti. Jam & *Elbingensium* quietem subruere moliris. Horrent composita moveri. Turbare poteris, sed non ita faciliter in quietem redigere. Qvestus olim validdè de te *M. Voldius, b. m.* primus tibi Morungæ Præceptor, & qui à stivâ paternâ ad literas te abduxit, & dirum à pueritiâ ingenium explicuit, quamqve turbatè in Colloquio Thorunensi te gesseris, publicè eum seniore jam, & te multò grandæviolem, mendacii argueris, Cum ipse falsissimus in totâ narratione extiteris, ut *D. Hulsemannus* te erroris ex publicis Actis convincere, & in ordinem redigere coactus fuerit. Ab eo, quem Ipse q. 1. t. 18. laudas, modestiam & prudentiam disce. *Is pacificatores* in religione seriò sanctèqve se Deo precibus commendare ait, passimqve eos laudat, ac Theologos Germanos, Svecos, Danos esse ait, *Calv. irrec. conc. p. 167. 169. Alibiq.*, ut de Concil. 1. 21. allegavi. Tu diris, & odiis, credo, eos prosequeris, Conatus eorum virulenter pervertis, si posses, fortè dentibus laniares, ut furiosè olim *Hieronymus* in aliâ causâ, *Utr. l. t. 38.* dixi. Ille Polennicis parciùs ad plebem uti tyrones monet, & Calvinismi mentionem per totum annum abs se vix auditam ait, *t. l. p. 370. 371.* Marpurgi de *D. Fevurbornio & Hannekenio* concionantibus anno 20. & 27. Idem ego testari possum, qui tùm ibi vixi, *Reformationum* mentionem ne semel ab illis factam, & si plures coetui interessent, *Vultejus, Goeaudeus, Goclenius, Victor, alii.* Plura *alibi* de hoc dicta, *d. prud. Theo. l. 23.* Tu contraria omnia cupias, perpetuò in *Syncretistas, Calvinistas*, deo iandum ducas, & quid ipse velis, præ furore ferè non percipias, Cum omnia confundas, *t. 17. 18.* Nec locorum status & conditiones attendas. Accuratione, moderatione, probatione, omnes dissentientes revinces. Neminem perversione, debacchatione, sed à vero longiùs abduces. Alstedius pacificantes inter hæreticos recenset, quos damnet, *p. 5. Comp. Theol. loc. 21.* Qvod mireris de eo, qui ipse Controversias Evangelicorum subindè compo-

componere conatur, *p. 5. Th. Polem.* Et utrosqve in fundamento salutis convenire pugnat, *c. l. clas. 1. q. 2. Deniq; s. Qua in illum, quem punit, hic iactas, non in eum solum, sed & omnes Collegas ejus & antecessores recidunt, quos universos contra Conscientiam egisse & agere consequenter arguis, quod Reformatis cum Luther. Cœnam unâ porrexerint, quod & statui loci ab annis 90. usitatum, & sine magnâ status convulsione jam ab illis mutari non potest, & moderationi utriusqve partis totum adversum erit. Quod an prudentis ac moderati Theologi sit, in dudum piè defunctos ita insurgere, prudentibus judicandum relinquo. Id ex vero tibi affirmem, ex eo tempore, quo mihi Elbingæ versatum, ab anno 1651. usqve 1657. Nullum Concionatorem Reformatum extitisse, omnes Lutheranos fuisse, & adhuc hodiè esse. Qui status gnari, vera me dicere confitebuntur.*

31. His distinctè præmonitis, *argumenta, quæ t. 3. seq. adducis*, omnia aliena sunt, & ad statum nostræ quæstionis nihil quadrant, ac *Tract. d. Conciliando* pleraq; iam soluta. *Ut 1. Non* societas luci cum tenebris, nec Christo cum Belial, *2. Cor. 6.* E. talibus non porrigenda Cœna. Nihil consequentiæ hic, nec tales tenebræ, Belial, aut infideles dici possunt, sed lux in Domino fieri possunt, si probè informentur, *t. 29.* Nec ullus dogmatistes errorum aut propugnator inter eos, Omnes privatim tantum sua sentiunt, & de nostrâ sententiâ benignè censent, *t. 28. Item nō* sanctum Canib. dandum, *Matth. 7.* Non enim hi Canes, sed ex parte fideles sunt, & ultra fieri debent, cum illis junctim vixerunt, *t. 26. Et* pro infirmioribus haberi qveant, *t. 29.* Locus *Matth. 7.* propriè de persecutoribus Evangelii agit, qui nos devorent, *v. 6.* Quibus renitentibus non obijciendum Evangelium. Cœna tūm nondum instituta fuit. At tales hi non sunt, nec persequuntur Nos, sed ex longo usu ad Cœnam nostram admitti cupiunt. *2. Sacramenta* notæ, symbola, & tessera Ecclesiæ sunt. Ne hi à nostrâ Ecclesiâ alieni, sed unum Corpus cum eâ ex longo tempore faciunt, Nec

de nostrâ doctrinâ ita malè sentiunt, ut non admitti queant, *t. 26. seq. 3. Bonus pastor pretiosum à vili separare debet, non cum alienis peccatis communicare. Hi ad pretiosum reduci debent, bonâ parte & inchoatione jam in eo sunt & esse cupiunt, certè à fide Christianâ non alieni sunt, in quâ Cœna instituta, cum de tot discriminibus religionum nihil adhuc innotuit, t. 24. Et in administrandâ eâ ad antiquam fidem ejusque puritatem recurri potest. Nec peccatis alienis hoc communicare, sed ad primam fidem omnia revocare est, t. 20. 4 Indigni & Corpus domini non discernentes non admittendi, 1. Cor. 11. Verùm hi inter dignos spe & voto numerandi, fidem habent, & si cum scrupulo quodam, & plenius informandi sunt, ut plenè digni evadant. Nec Paulus de admittendo, sed indignè comedendo loquitur, & ab eo dehortatur, quod in usurpante est, non Pastore, nec Pastorem, sed utentes d. l. informat, Nec sententiis dissidentes, sed moribus Cœnam profanantes & profanè usurpantes increpat, v. 20, 21. seq. Et sic Christus non Judam ad Cœnam admisisset, quia Diabolus, fur, & proditor, Joh. 6. 12. & 13. Et probè Christo notus erat, quod contrâ tamen omnes Lutherani propugnant. 5. Profanatio Sacramenti devitanda. At hos ad fideles ac Orthodoxos advocare intendimus, de quibus profanare Cœnam non præsumere debemus, Nec illi nostram sententiam de Cœnâ præfractè negant & oppugnant, Ut Doctores faciunt, sed simpliciorum & infirmorum loco haberi volunt, t. 28. 29.*

32. 6. Grave periculum de admissis in errore suo confirmatis, & admittentibus, à quibus sanguis pereuntium postulandus, & infirmis, qui validè scandalisuntur, metuetendum. At qui hi non ita in errore pertinaces, ut non & nostram sententiam admittant, si dextrè explicetur, rectèque informati ad eam induci possint, aut utramque ferri posse censeant, Nec præsentiam Christi in Cœna negent, sed spiritualemente esse aiant, t. 28. 29. Nec pereundi metus consequenter de talibus præsumendus, Nec scandalum de talibus, quales t. 26, 29. descripti, oriri potest, Non n. à verâ sententiâ

totaliter

totaliter discrepant, ut rigidiores, qui alibi Cœnam quærun-
t. 29. Sic nec Augustinus ad Cœnam admittendus fuisset, fermè
enim *Reformationum* hypothefibus in quibusdam accessit, Ut
Calixtus & alii ostenderunt. Nec *Apostoli* in primâ Cœnâ ad-
mittendi, Omnes enim terreno Messîæ regno occupati erant,
Act. 1 & hoc Christo probè notum erat, qui error totum offi-
cium Christi pervertit. In simplicitate tamen Christianâ ad-
missi, & postea eandem Cœnam sic acceperunt, *Act. 2. v. 47.*
Quem locum de Cœnâ *Oecumenius, Cor. à Lapide, Mushefius,*
aliiqve explicant. Cœtera, quæ de Magistratu adduntur, uni-
versa per accidens sunt. 7. *Ingens* hypocriseos specimen hinc
manat. Non enim hi nudum panem se accipere ajunt, sed unâ
Corpus & sanguinem christi, sed spiritualiter, & ore quantum ad
panem & medium, ubi aliquid veri subest: *Nec nos Physicè &*
carnaliter, sed mysticè & supernaturaliter cum pane & vino
Cœtera accipi confitemur, ad quam sententiam reliquos reduci
sedulâ informatione par est: Nec à nostrâ doctrinâ tales planè
abhorrent, secus non in Scholâ liberis Lutheri Catechesin
proponi mandarent aut ferrent, t. 29. Unde quæ t. 8. promis-
ad hos non quadrant. Primores autem *Joh. 12.* Quos adducis,
verè ac salutariter credidisse *Mentzerus, Affelmannus, Feurbor-*
nus, Meysnerus, & ex Vetusioribus Augustinus tr. 53. in Joh. aliiqve
sentiunt. ut de *Concil. t. 35* jam notatum, Cum quibus transiges.
8. Deniq, unanims consensus Doct. Lutheranorum ita decedit.
At is auctoritatem humanam tantùm habet, contrariâ au-
thoritate retundi potest: Et illis nunquam tales Reformati de-
scripi, qvales in hac re sunt, t. 26. seq. Quæ t. 9. addis, quòd se
ceremoniis nostris accommodent, insufficiens hic. Non id so-
lùm, sed totam *Augustan. Confessionem ejusq, Apologiam* recipiunt,
ab ipso dogmate nostro non planè averfi sunt, in eo liberos
suos informari ferunt, ad nostrum sensum induci possunt, à

quo nimio rigore averti queant, Nullus contrarius doctor aut propagator in omnibus illis reperitur, t. 26. seq. Quod longè plus est, statum longè alium hic format, & in cœteris meritò considerandum est, ac ex illis ad omnia, quæ t. 9. adducis, facile responderi potest, Ut meritò à rigidioribus vocibus, *Syncretistas, Samaritanos, lupos esse*, qui tanti unam religionem, quanti alterum faciant, abstinere debuisses, nec in defunctos, quos simul implicas, t. 30. tanta convitia proijcere. Quæ è *Reformatis* adducis, omnia contrariis authoritatibus refelli possunt. Veteres Christiani Cœnâ utentes ædes occluserunt, Ne scilicet gentiles, ut Canes & porci, t. 31. sacra eorum inspicerent, ac irridendi, opprobRANDI, & blasphemandi, aut persequendi Christianos occasionem inde raperent. Quomodo *asinariorum* eos vocârunt, & *Averroes* Christianorum sectam stultissimam dixit, ut quæ proprium DEUM devoraret. Ut *Orthodox. Consens. C. 5.* refert. Et aliàs horribiliter eos persecuti sunt, ut ex *Tertulliani ap. C. 3, 6. 16. Iustini & aliorum apologiis* sumi potest.

Respon. ad. qv. 4.

33. *Hec de Pastore oralem manducationem exagitante, Reformatos laudante, veram Ecclesiam in Angliâ, Belgio, Galliâ, quærente, privatim more Calvinistar. Cœnam administrante, & necessitatis casu vel apud Papistas Cœnâ uti volente agit. Hic cum quibus Chimeris tu lucteris, non satis percipio. Non de his me audivisse memini. Pleraqve conficta esse suspicor, aut aliis modis se habere, quàm quibus narrantur. E meis scriptis horum nihil te ostendere posse certus sum. De Reformatis aut Orthodoxis, aut non hæreticis habendis è t. 18. 28. seq. constare potest. De nominibus discretivis è t. 24. De litibus & contentionibus non necessariis t. 13. 24. patet. Semper in Ecclesiâ Christi potiùs de minuendis, quàm augendis & extendendis Controversiis cogitandum, quantum ullo modo per veritatem licet, quod monita*

nita de pace sectandâ volunt, ut d. *Concil.* dictum, Et Apostoli præscripta *1. Tim. I. v. 4. C. 6. v. 4. seq. Tit. 3. v. 2.* requirunt. De solo Catechismo retinendo simplicibus ac rudioribus satisfaciatur, non doctoribus & seductoribus, quæ semper distinguenda, *1. 18. 19.* Et tu quod sub hoc modo fortè dictum, velut absolutè prolatum turbatè accipias. De schismate ext. *1. 24. 25.* patet. De Reformatis plerisque secutis falsum, si tales intelligas, quales *1. 26. seq.* descripti. Hos enim & Lutherani admittendos concedant, si de statu rei plenè informentur, *1. 32.* Et Reformati id affirmantes, apud moderatores Lutheranos à suis Cœnam accipi posse ajunt, non rigidiores, aliasque cautelas adijciunt, ut *Crocius p. 2. Anti-Weig. C. 8. q. 7. aliq.* Anno 1631. etiam in synodo nationali Gallie decretum de Lutheranis factum fuit, ceu membris ejusdem Corporis mystici ad communionem Reform. admittendis, & erroribus eorum fraternè tolerandis, ut *Maresius d. 17. Coll. Th. 1. 14. notat.* De particulis in, cum, sub, sano sensu adhibitis reprobandis, nihil mihi constat. De orali manducatione, si sanè explicetur, admittendâ supra *1. 25. 29.* actum. Qui contrâ tibi retulit, nimium fortè retulit, & tu nimis facilè credidisti: Aut quod sub certo modo dictum factumve, velut absolutè dictum accepisti. De panisfragio in Cœnâ adhibito non mihi constat. Certum, ad exemplum Christi in Cœnâ illud adhiberi posse. In analogiam Corporis Christi doloribus fracti tam & lacerati, ad sævum modum, quo quibus ossa fraguntur, esse solet, adhiberi debere in Scripturâ nullum indicium sat solidum est, ut de *Esu Eucharist.* dicturus sum. Semel Corpus Christi pro nobis fractum esse Paulus dicit *1. Cor. II. v. 24.* Ad eam fractionem repræsentandam panem in Cœnâ frangendum esse, nulla Scriptura dicit, Eoque panem frangendo illam approbare non necessum est, & multò minus Cœnæ formam in eâ statuere, quod tu *1. 1. aliq.* indeeductum velint. De Reformatis scriptoribus laudatis, inter præ-

eos, quales tui nominati, *Sonton, Dyck, Taffin, Hottori, Bayle, & Polemicos distinguēs*, de quibus non mentio. Virtutem etiam in hoste laudari par est. *Papista Lutherum* laudant, Ut *Erasmus & Masius, V. Gerhardum d. Eccles. 1. 295.* Et *Calvinum Stapletonus ap. Alsted. in suppl. Chamier. l. 2. C. 16. 1. 3.* Et *Flor. Raymundus l. 7. d. her. C. 30.* Alii sæpè hostes laudârunt. *V. Bellar. l. 4. d. Eccl. C. 16.* Nos *Baronium, Bellarminum, Tuscum, Beyerlingium*, ob inexhaustos labores laudamus, & si iudicium & candorem quandoque desideremus. Tu omnia credo, reprobabis, quia *Papistæ.* Laudavit *Ausonius Symmachum, Basilus Libanium Ethnicos, Augustinus Tychonium Donatistam*, citra præiudicium veritatis. Ipsi *Lutherani* tales libros apud se ediderunt, Ut *Sternus Luneburgæ Bailii praxin pietatis.* Tanti eos fecerunt. De *Moguntinis* contra *Calixtum* censentibus, *1. 21. visum De Ecclesiâ in Galliâ aut Belgio quarendâ longe secus est. Ecclesiâ Topicam & particularem & ibi DEUM habere dictum est, & quæ suas tribulationes etiam experiatur, Ut & Gedani, Augustæ, Elbingæ, quod in se verissimum, & à tuo sensu prorsus alienum est.*

34. Quòd impietatem mihi & scriptis obijcis, *1. 2. & 4.* nunquam solidè probabis. Ad antiquam fidem recurrere, & solida ad conciliandum salvâ veritate, non concussâ, media inquirere, *1. 20.* in rixosissimo hoc seculo pietatis argumentum, non impietatis est. Nec in vitâ, nec ullo dogmate meo impietatem deprehendes. Tu contra primum Præceptorem tuum verè impius exististi, *1. 30.* Erga Collegas passim, cum quibus iurgaris, quorsum venis. Nullius sectarij proprium dogma unquam tenui aut defendi, nec tu solidè unquam ostendes. *Syncretismum*, ut tu vocas, longè Calvinismo deteriore, frustra hic expectas. Nec vocem, nec rem volo, *1. 10. 15.* Ad primam fidem te reduco, *1. 20.* Ut omne mutandum ad principia sua revocari solet, ac in omni mutatione fieri amat, Ut *p. 4. Jren. def. 1. 5. dixi. Omne genus* ad

ad originem suam censeretur necesse est. Tantæ Ecclesiæ una est illa ab Apostolis prima, ex quâ omnes. *Tertull. d. præs. C. 20.* Ab initio non erat sic. *t. 24.* Quod in Ecclesiâ primum, id verissimum. De ad synaxin Papisticam accedendo nunquam mihi quidquam auditum. Ipsam substantialem alteram partem Laicis è cœnâ tollunt, & sic Cœnam ipsam everrunt. Fortassè & hic ampliore tibi relatione impositum Si quid tamen factum, nescio, quâ conditione fortè prolatum, quam non addiderunt, qui talia retulerunt. De tepidis evomendis ex *Apoc. 3. v. 16. in Tra. d. Concil. t. 35.* jam responsum. Non sunt tepidi in ipsâ fide, qui iustis medijs ad Conciliandum procedunt, & si nec omnes contentiones probent, nec ad fundamentalem fidei substantiam semper pertinere censeant. Veritatem ipsam tenent, probant, tuerentur. Quomodo & alij ad eandem agnoscendam deducendi, aut ab extremis ad moderatiora flectendi sint, inquirunt & laborant, *t. 20.* In eo nulla tepiditas. Quod *t. 4.* monstrum sectariorum prodigiosum me proclamas, atrocissimam injuriam mihi facis, qui nunquam ullius sectarij dogma probavi, ut ante dixi, & animi virulentiam prodis. Rectius te monstrum furiosum ex calumnijs, perversionibus, & virulentis compositum vocarem, *t. 9. seq.* Si par pari reddere vellem. Sed non decent doctos tam rustica convitia. Profectò in Theologo turpissimus est morbus lingua petulantia, de Tantalo Euripidi simile dictum hic cogitandum est. Unicum sectarium dogma prome, unamque impietatem in doctrinâ, quâ probes. Quod non poteris, ut ante dictum. Credo, si Apostoli reviviscerent, & simplicem illam piscatoriam fidem proficerentur, monstra sectariorum eos faceres, latibula omnium hæresum seminare blasphemares. De Photinistis ab hæresi liberandis merum commentum est, *t. 20.* Quod præclarum Lutheranum Ironicè me dicis, scire possis, me melius Lutherismum contra varios in variis scriptis defendisse, quàm te. Antiquam tamen fidem

Christianam præcolo, Ut p. 3. & 4. *Jren. def. dixi.* Faciet forte per tot calumnias ac perversiones, ut absistam, solamqve antiquam fidem Christianam, qvatenus ex Scripturâ & primis Patribus nota est, de cœtero defendam. *Quod communione illi,* qvem pungis, mecum interdicis, vanum est. Principia mea solida esse, intentum Christianum, media ad componendum legitima esse videt. Cur non cum eo communicet? Nec tu adhuc ea evertisti, & calumniis ac persionibus vanè subruere moliris, Impietatis nullius me aut illum convinces. Si quid habeas, qvo solidè probes, prome, & responsum à Nobis expecta. Nudis tuis diſteris à sancto & Christiano proposito nos dimoveri non patiemur.

35. *Papistas, Mennistas, Photinistas, Arianos,* ut in erroribus sunt & manent, non mutant aut moderant, sub vero Catholicismo comprehensos Nemo Nostrum voluit, ut tu t. 5. dicis. Mera hæc tua commenta sunt, t. 19. 20. Nec atheismum, nec nullam, aut amplissimam religionem intendimus, sed veterem illam fidem in priscâ puritate reductam volumus, eoq; laboramus, t. 17. 14. 20. 25. In quo confusionem sectarum inducere non possumus. *Hieronymi* de scintillâ dictum rectius in te, quàm Nos vibretur. Tu eam conatibus Pacificantium inycis, quâ ingensignis exciri queat, quo de novo magna domus Ecclesiæ pars conflagret. Nos sedare, extinguere, componere, intendimus. Tu turbare, dissensus fovere & extendere, omniaq; incendere moliris, t. 30. Illius *Meyfartiani* pro colophone te commoneam, qui omnes eos, qui Concordiam Lutheranorum cum Reformatis impediunt, in se aut succesſoribus suis horribiliter à DEO punitos esse asserit L. 1. d. 17. *Academ. C. 12.* De quo ne partem trahas, caue. Si liberius mendacia me dicere censeas, insolentiam factorum etiam moderatioribus talia quandoq; extorquere cogitandum, ut *Socino ep. 4. ad Dudith. Apologia Aug. Conf. t. 9.* Anabaptistas factionem latronum vocat. Sæpius Authores ad Nebulones delabuntur. Id apud *Vedelium l. 1. d. prud. Vet. C. 2. L. 2. C. 2. 4. 5. 6. L. 3. C. 3. 5.* Et alibi, *Athanasium Orat. 2. in Arian. Chamierum passim, L. d. pot. sec. Lutherum Erasmus in epistolis, aliosq; videas* Si rixosior videar, *Luthero* patrono defender. Rixosum esse utile & necessarium est, ut duras cervices retundamus, daß man straffe die harten hœpfer / T. 2. *Jen. f. 88. b.* Deniq; si contra me

tra me agere velis, ut mea adferas, Non aliena à meis ingeras, monendus eris. Ne falsum testimonium contra proximum loquaris. Secus illud *Augustini contra Julian. l. 4. C. 8. regeram*, Minus hoc dicerem, quod me dixisse mentiris. Redde verba mea, & evanescet calumnia tua. Nam tu abstulisti verba, quæ dixi, & dixisti, quod ipse finxisti. DEUS veritatis & pacis ad utramque nos deducat, Ut in eo omnes unum sentire per Christum incipiamus. *Conf. t. 24.*

Adiectanea.

1. In t. 2. Methodus Logica Calov. allegata. Ad eam Compend. Geographicum p. 556. in Op. Phil. addi potest, ubi simile tradit.

2. Quæ t. 4. de Symbolo Niceno dicta, de eo capienda, ut hodie in expressis exemplaribus passim circumfertur. Sic in omnibus additio illa de Sp. S. & cæteris articulis apertè adijcitur. Ut ab ipsis Nicenis Patribus olim proditum est, sic articulus, & in Spir. S. additus dicitur, & cæteri de Ecclesiâ, resurrectione, omissi censentur. Sed tamen etiam *art. d. resurr. Carnis* tam in Nicæno, quàm Apostolico & reliquis semper adiectum fuisse *Gerhardus d. res. mort. t. 71.* apertè affirmat. Cumque sine ullâ distinctione aut determinatione loquatur de Nicæno Sym. Cal. Merito tot in publico edita Nicæni exemplaria obijciuntur, quibus articuli isti expressè continentur.

3 Ad t. 3. adde. Rectius *Matovius* modum proponendi Theologiam rudio rem & exquisitiorem dicit *L. C. p. 1. d. 1.* Non ipsam Theol. ita dividit.

4. Rectè *Amb. ad Theodos. Imp.* Nihil tam in Imperatore amabile, quàm si libertatem dicendæ sententiæ concedat, & hoc inter bonos ac malos Principes discrimen esse, quod boni libertatem ament, improbi servitutem, ap. *Melanchton. ep. p. 124.* Rectè etiam *Lactantius* Naturam hominis hanc Deum voluisse dicit, ut duarum rerum cupidus esset, religionis & sapientiæ, *L. 3. Instit. C. 11.* Unde utraqve sedulo homini inquirenda relinquitur. Sed primò omnium primæ & antiquissimæ religionis cura

cura habenda, quæ verissima. Antiquissimum n. & primævum verissimum est. *V. t. 24. 34.*

5. *P. 120. Meth. Log. Calovius* Mathematicam generalem in abstractione à numero & magnitudine generaliter repræsentari, à Nemine adhuc factum fuisse dicit, sed minatum id esse *Golum Prof. Leidensem.* Et idem in *secundâ editione Op. Ph.* sine ulla correctione repetit *p. 649.* Sed jam olim id egit & monuit *Peverius d. comm. affect. C. 17. Adri. Romanus in dim. Circ. C. 6. Alstedius in Mathem. gen. Notnagelius tr. I. p. 1. Inst. Mathem.* Et ipse *Cal.* in eodem scripto *p. 98. 99.* Mathesin in universalem & particular. divisit, & Communem de quantitate, ejus principiiis & affectionibus in communi agere dixit. Sic ipse facto jam agendum ostendit, quod à nullo adhuc factum asseruit.


6. *Ad t. II.* addere quæas, Omne verum, à quocunqve dicatur, à *Spir. S.* est, ait *Ambrosius ap. Königstein ep. 30. Trin.*


7. *Ad t. 21. p. 21.* adde. Miror, quod *Cal.* ad Jesuitas etiam contra Lutheranos provocet. Novit, quomodo in Anticyris *Prædicantibus & Aristarcho Jesuitæ Brunsbergici* cum tractaverint. Sed nec eorum meminisse potest, quæ ipsum tetigerunt.

8. Quæ cætera in scriptis *Cal: Philos. & Theologicis* justam censuram merentur, alijs temporibus & occasionibus expediuntur. Nulla ferè definitio adæquata est. *Methodus Logica* confusa moles est. *Mathematica* sceleton magis, quàm Corpus est. *In p. 1. Inst. Th.* DEO & hominibus illud est. *Habitum compositum*, quem mirè abominatur, necessario dari solidè in *prac. Theol.* ostendam. Alibi de universis plura.

Erratis veniam, Lector amice, dabis.

GLORIA IN EXCELSIS DEO.





H. NICOLAI

OPERA.

TOMUS II.